

3302.



HEEK GENT



0107998

ABRAHAMI HEIDANI
S. Theol: in Acad: Lugd: Bat: Professoris Senioris,
ORATIO GRATULATORIA,

Auctoritate & nomine
SENATUS ACADEMICI

IN

*Nobilissimo & Confortissimo omnis Ordinis
Virorum conventu,*

Dicta coram

Serenissimo Arausionensium &
Nassoviorum Principe &c.

GULIELMO III.

Hollandiæ, Zelandiæ & Ultrajecti Gubernatore
Hæreditario, supremo Terra Marique Imperatore &c-

Pridie Calendas Majas, Anno Christiano MDCC LXXIV.



LUGDUNI BATAVORUM,
Apud ADRIANUM SEVERINUM.

MDCC LXXIV.

ORATIO GRATULATORIA

SERENISSIMO ALEXANDRO

Moscovitico & Imperatori Russiarum

Scandinavico, Armenico, Persico &

Moscovitico Imperatori

GULIELMO III.

Anglicano, Scotiae & Fretulo Imperatori
Hollandico, Hispanico, Indico Imperatori &c.



ALEXANDRO ALEXANDROVITCI

IMPERATORI



Serenissime & Illustrissime PRINCEPS,

Tanta est , factorum tuorum ,
& quidem unius nec comple-
ti anni , magnitudo , Excellen-
tia & numerus , ut , quod mirum
alicui videri possit , illa & luxuriantibus
Ingeniis , & Asiaticis Oratoribus , quibus
melius ultrà , quàm citrà stat Oratio , &
assentatoribus , quibus immodice rem
exaggerare unum opus est , materiam
declamandi circumciderint , & rebus
ipsis superatos , Inventionum & rerum
steriles , verborum verò prodigos ef-
fecerint : Laconicos verò , & non tam
quæ de realiqua dici possunt , quàm de-
bent , seligentes , ut rebus ipsis prolixos ,

ita verborum, quæ rem alioquin prævi-
sam non invita sequuntur, parcos & bre-
ves esse jusserint. Quod ita accidere u-
trisque, necesse fuit, ob gestorum pulchri-
tudinem & copiam, quæ omnibus istis
excogitatis emblematis major, pere-
grino fuco, & arcessitis pigmentis or-
nari negat, contenta se ipsa. Ad quam
exprimendam non assurgunt medio-
cra Ingenia, utpote habentem in se,
quicquid ab illis mutuari posset. Per-
inde enim id sit, atque pulcherrimæ
Virginis faciem, quæ proprio & suo
colore nitet, cerussa & purpurisso de-
turpare; aut honestæ matronæ, quæ
tum optimè olet, cum non olet;
anhelitum peregrinis, & ab alio or-
be advectis aromatis inficere. Quia si
quid perfecto & egregiè factò majus
dicere velis, hoc ipso illud corrupas
necesse est, & nimia cûratura, quod
in se est robustum, facere junceum
Subsidunt enim fere verba infra rem,
ubi

ubi præter rem nihil aliud dicendum occurrit, & quod præterea dicitur, superfluit. Tum non rarò hyperbolicis illis Oratoribus illud contingere videmus, ut, dum Heroas suos supra humanum fastigium extollere nituntur, & tantum non Diis similes facere, magis opprobria illis quam laudes dicere, cordato auditori vellectori judicentur; ipsis verò qui hoc modo laudantur, fastidium & risum non rarò debere comperiantur.

Et quamvis etiam modesto Oratori sæpe evitatu difficile sit, non aliquando in hyperbolen attolli, præstricto virtutum & factorum fulgore, quæ laudat: nescio tamen, quomodo fiat, ut simplex & rebus ipsis congruus sermo, sublimi oratione sit gratior semper & potentior, atque animum audientis magis impleat. Ut enim illa judicatur optima pictura, quæ ita affabrè prototypon suum refert, ut vix artificis manus in illa possit dignosci: Ita judico optimè in illa oratio-

ne tuam effigiem contemplandam dari,
in qua minus elucet oratoris ars & cala-
mus.

Tam multa enim ex Te suppeditasti
dicendi argumenta, ut ipsa copia ino-
piam sæpe pepererit, & selectum du-
bium fecerit. Quod mihi evenisse com-
perior, qui præcipua tantum quædam
gestorum tuorum capita attingere, deq;
iis pauca & breviter delibare contentus,
ideòque præterire multa coactus, proli-
xitis tamen culpam in dicendo effu-
gere non potuerim. Cujus tamen adeo
non pœnitet, ut fretus judicio amico-
rum, etiam mea sponte, in excudenda
hac Oratione, illam denuò incurrere,
& augere etiam non dubitaverim; mul-
ta omiſſa & indicta in illa reponens, quæ
non minus ad veram laudem, & nomi-
nis tui gloriam facere videbantur, quam
quæ dicta fuere. In quo, si quid pecca-
tum à me est, excusatus ero vel ob se-
nectutem, cui semper aliqua venia da-
tur,

tur, vel ob pietatem, quæ artis regulis non tam arctè constringi se patitur. Neque verò, spero, mihi vitio vertetur, quod Plinio, Trajano summo Principi scribenti sive dicenti, in prolixo illo, & nunquam satis laudato Panegyrico, laudi datum fuit. Sed omnis hujus generis censura mihi inermis videbitur, & instar imbellis projecti telii, sine ictu; si modò, ab æquitate tua id mihi promittere audeo, non omnino displicuisse quæ tum auribus, nunc etiam oculis legenda subicere sustineo. Quod superest, summas quas animo concipere valeo, gratias ago pro Illustrissimæ tuæ præsentiae honore, quo & urbem nostram, & Academiam, & me quoque senem, in confertissimo & splendidissimo omnis ordinis hominum confluxu, cum magna pace & silentio dicentem, honorare & beare voluisti. Quo Me ita demeruisti, & nexu & mancupio tuum fecisti, ut nihil magis
mihi

mihi sit in votis , quam ut sibi semper
conformis & stabilis sit hæc fortuna
tua : neve ulla insigni adversitate con-
taminetur hæc temporum tuorum feli-
citas : aut ulla Invidia , aut sinister ru-
mor famam tuam obscurer aut minuat :
aut ullis malis consiliis aut exemplis
seducatur aut turbetur pietas tua : ne-
ve unquam idem tibi placere possit,
nisi rectum. Quod demissè , & ex
intimo cordis sensu , Celsitudini tuæ
à Deo Opt. Max. cum omni observan-
tia , cultu & obsequio vovet & pre-
catur,

Cels. Tuæ

humillimus Cliens

ABRAHAMUS HEIDANUS.

Sereniss.

Serenissime Princeps: Gubernator nobis à Deo date: supreme Terrâ Marique Militiæ Præfecte: qui virtute, Heroicis factis & meritis, sortem, genus, & honorum titulos, & diotinum nomina longe prægravas: Hostium terror, Civium amor: Pacis Conciliator & Proxeneta: Reipubl. nostræ Stator: Religionis, Justitiæ & Libertatis Columnen, defensor, & Vindex: Academia hujus Patrone hæreditarie: Doctorum magnum Præsidium, & dulce decus: Orbis & bonorum deliciæ: Princeps inclyte, pie, fortis, felix:

Cui, quotquot Academia Cives & membra adsumus, ob servatam Patriam, depulsos Hostes, Mare liberum, restitutam cum Anglo tam opportuno tempore pacem: & quæ præterea accepimus, tum exoptamus à felicitate tua beneficia: animos gratos, officia sincera, benedictionum omnigenarum cumulum, florentem domum, fortunam æquabilem, longos annos, pacata tempora, atque ut sit Mens sana in corpore sano, humiliter & submissè offerimus, precamur, optamus, & Academia nomine, hac oratione rogemus, testamur.



Uod si, quod non arbitror, dubium alicui esset, forte casuque Rectores Terris, an certo Numine darentur; Te tamen, Celsissime Princeps, Gubernato-

natorem liqueret divinitus constitutum. Qui non occulta potestate Providentiæ, quam investigare nemo possit, sed ab ipso Deo, & Populi voce, quæ est Dei, coram & palam designatus & electus es. Neque obscuræ sunt universalis hujus in Te conspirationis & amoris causæ. Es enim illis Majoribus ortus, qui ab exiguis, imò nullis initiis, magno animo, inusitato ausu, suo sanguine, quem Tyranno negatum, Patriæ devoverant, hanc Rempubl. è fundamentis extruxerunt, & ad illam magnitudinem, qua ante hanc Calamitatem visa fuit, evexerunt. Quo nullum à multis retrò seculis illustrius Exemplum fuit editum, in quo divinæ & humanæ prudentiæ luculentior concursus, & admirandæ & heroicæ fortitudinis & constantiæ exercitia & exempla magis in propatulo posita fuerunt: stupente mundo, tale & tantum inceptum, invito & reluctantè potentissimo Rege, & omnes vires, & opes totius Indiæ, ut illud in herba opprimeret, & adultum demeteret, confumente & prodigente, ab imbelli & ad incitatus redacto populo, Duce & Antesignano Gulielmo Auriaco, immortalis memoriæ viro, aut libertatem retinere certo, aut mori parato, ad tantum fastigium educi potuisse. Opus, si sola miracula seponas, comparandum mirabili illi populi Israëliti ex domo servitutis Ægypti, duce & aspice

spice Mose, liberationi. Ut causa non sit, quare Regiminis fasces à Proavo tuo Gulielmo feliciter assumpti, & à parricidio ejus (heu nimium Patriæ funesto!) ad Mauritium filium, Patrum tuum majorem, & ab illo in fratrem Henricum, Avum tuum, duo illa fulmina belli, & ab illo ad Patrem tuum Gulielmum (quem fata terris tantum ostenderunt) licet non hæreditate, at non interrupta successione devoluti, non etiam ad Te, unicum bonorum & virtutum illorum hæredem devenire debuerint: idque quamprimum eorum suscipiendorum per ætatem capax & idoneus esses.

Ini quum certe esset, & cui ascribi non posset bonum factum, tantorum meritorum usufructu privare liberos & hæredes eorum, qui nobis hæc otia & bona, sudore & sanguine suo pepererunt: quibus aut non decorum esset nobiscum vivere, spoliatis istis honoribus, aut aliæ quærendæ terræ, & mutandum hoc Cælum, ne se tam turpiter aliis terræ filiis posthabitos videre cogentur.

Sed, ut jam, quod multis nimis popularibus, & sui sensus Politicis visum, nihil valeat hæc generis claritudo & prærogativa, sed quisque à propriis, & quæ ipse fecit, censendus veniat: Talem Te, Princeps, natura genuit, illis naturæ &

gratiæ donis instruxit & cumulavit Deus, ut etiam primus tui generis auctor esse possis, & si omnes à stirpe degenerassent, in Te generosi sanguinis superstites guttæ omnes recolligi & reperriri possint. Etenim si fingere & formare mihi Principem velim, quem hæc nunc in Te collata Potestas deceret, nunquam voto concipere possem Tibi similem, in quo, quæ sparsa in omnes, & divisa, simul juncta & collecta tenemus. Honestat aliquem vultus, at mores dedecorant: Ornat animus, at Corpus destituit. Ingenium non deest, at lingua balbutiens illud dehonestat: Hic generis nobilitatem rusticitate sua obscurat: Hic bello insignis, pacem vitiis fœdat: Sæpe aliquis uni virtuti æquus, singulis impar conspicitur: Et nemo extitit, cujus Virtutes nullo Vitiolorum confinio læderentur.

At tibi, Princeps optime, quanta Concordia, quantus Conventus omnium laudum, omnisque gloriæ contigit! Qui Imperatorio & Regio sanguine genitus, & Imperio & Regno dignus & par, etiam puer visus es, & in cunis etiam vultu portendebas Imperium. Adeò præclarum est, fundamenta Nativitatis esse bene posita. Nam ut vere ille:

*Fortes creantur fortibus, & bonis:
Est in Juvencis, est in Equis Patrum*

Vir-

*Virtus: nec imbellem feroces
Progenerant Aquila Columbam.*

Cujus rei scintillæ & indicia statim in Infantia & pueritia tua emicuerunt. Cum enim Pater immaturo & luctuoso toti familiæ, & præcipue Tibi obitu, Uxorem gravidam reliquisset: atque illa octiduo tantum à funere Te puerum posthumum enixa esset, statim apparuit Providentiæ divinæ erga Domum Auriacam, & Te cura & Tutela. Quod & hoc pacto Principatus ille, qui præter Deum, nisi Te superiorem agnoscit nullum, Nassoviæ stirpi vindicatus & assertus sit: qui deficiente prole mascula ad Extraneos devolvebatur, & multarum & molestarum litium materiam daturus erat. Quod nè fieret, dedit Te nobis Deus puerum masculum & vitalem, qui jam natus, ut de Mose dicitur eras *אֶשְׁרֵי טָבָה מִיִּשְׂרָאֵל*, id est, excellenter seu divinitus pulcher.

Jamque vagitus tuus in cunis, tanquam debita magnitudinis obses, futurum nobis Vindicem & Governatorem spondebat. Multumque illorum lætitiā minuit, qui immaturo Parentis tui obitu elati & insolentes, quasi in nova Republ. novam vivendi, & pro arbitrio quævis effutendi licentiam nacti, moderatius imaginariam suam fortunam ferre, atque si saperent, ab In-

fante linguam infrenem compescere jubebantur.

Cum verò adeò multorum interesset, Te aut non natum esse, aut statim mortuum; neque esset qui Patris amorem, auctoritatem & curam in Te educando & nutricando sufficeret, munus quoque nutritionis grave ac difficile redditum est: scilicet ne vel nutricum copia, & lactis vitium, vel etiam nimia Mulierum circa Te *πολυπρεσμοσύνη*, vel negligentia, Tibi obesset, & sanitati & corporis robori, & membrorum conformationi nocceret. Neque hic claudicavit in Te Numinis favor, qui sicut mentem sanam in Corpore sano indidit, ita ne magnus ille hospes Animus male habitaret, aut à domicilio suo sinistri aliquid pateretur, unde ad functiones suas obeundas piger aut cunctator redderetur, aut etiam ante tempus exturbaretur, providit.

Cumque jam procedentibus annis, cum Mens non amplius tota Corpori servit, nec omnia ad illud refert, sed etiam de rerum in se ipsis spectatarum veritate inquirere idonea est, & liberum de iis iudicium ferre, statim Heroicæ mentis vigor exiit, quo apparuisti

Ante annos, Animumque gerens, Curasque Viriles.
 Multa hic maturi iudicii, acuminis, pietatis & solertiæ in Te Adolescente observata sunt specimina,

mina, & profundi sensus apophtegmata, *παθήεις φρονέ-
σθαι ἔμαρτε*, quæ potius ex senili, quam Juvenili of-
ficina profecta, jam tum maturum virum promit-
tebant.

Sed unum præ multis seligam, in quo velut in spe-
culo Te ipsum contemplari possis. Hoc autem il-
lud est, quod cum ferè morem illum servet Deus, ut
quos magnis aliquando rebus admovere illi visum
est, antea per crebras afflictiones & patientiæ exer-
citia præparet, & ad dura toleranda assuefaciat (ut
id Exemplo Josephi, Davidis, Danielis, & Lu-
dovici XI. Henrici IV. Galliarum Regum, &
Henrici VII. Angliæ Regis, & omnium illorum
Regum palam est, qui per aspera ad ardua enisi
sunt, & à pueris duris in rebus habiti) Deus Te po-
tissimum elegerit, quem à prima Infantia ad adul-
tam ætatem, variis, continuis & difficilibus af-
flictionibus, & patientiæ probationibus tentaret,
& ad Virtutem duraret.

Quibus tantum abest, ut succubueris, aut fra-
ctum animum submiseris, aut etiam miseris que-
relis & lamentis Deum & homines incusaveris,
& natali tuo maledixeris, ut potius silentio & spe
fortis, illa tanquam non extantia usquam trans-
miseris, neque ulla querula vox à Te audita sit,
quæ indigna Te esset, aut nimium mœrorem ar-
gueret. Potuisti æquo animo ferre, Te, stipu-
lante

lante Cromwellio, illo Britannia, sub Protectoris titulo, Tyranno & sanguisuga, ab omni spe regiminis seclusum, privatum agere jussum, & vix honoratum inter Cives locum concessum: atque non alia ratione, nisi Te in pretium dato, foedus concludi potuisse. Sed ne hoc molimen soli Angliae imputetur, vidimus non multò post, Te solenni & perpetuo Edicto, omnibus jurejurando ad hoc servandum, nisi Magistratu abire mallent, ne Te quidem excepto, obstrictis, à summo Gubernatoris honore remotum; & extinctum illius Axiomatis nomen & decus, ne id ullo tempore in Te aut Alio revivisceret. Quod telum, etsi vitalia peteret, tam fortiter repulisti, ut vix summam cutem strinxerit, ne querula quidem voce, aut singultu ex Te audito, quasi ad omnes ictus impenetrabili, non aliter quam si surdus aut mutus fuisses, & nulla in ore esset Apologia. Quid nunc artificiosas illas protelationes & excogitatas dilationes memorem, quibus primum tibi ad honores debitos & promissos aditum & ad Consilium status ingressum, sufflaminare, aut etiam si potuissent, impedire conabantur? Quæ tantum abest, ut nocere potuerint, & Tibi viam ad honores præcluserint, ut illos magis promoverint & festinarint, & totius Populi in Te amorem fortius excitarint &

accen-

accenderint. Nunquam majore Zelo ferventiores & crebriores in Ecclesia pro Te & domo tua preces ad Deum fusas memini, quam illo tempore, quo tanto conatu prohibebantur & limitabantur.

Sed quo magis animadvertebatur & exardebat in te universi Populi amor, eò minus arridebat Antagonistis & æmulis tuis, hoc tentari, & lentiores & tepidiores reddebat in hoc Negotio, imò magis indies averfos & alienos. Et jam omnis promotionis spes decollasse videbatur, nisi Deus velut *ὁ δὲ μυχῶν* intervenisset, talemque necessitatem derepente immisisset, quæ moram omnem abrumperere jubebat, & etiam nimis tardatum monuit. Cum enim à Gallo & Anglo, duobus illis, potentissimis Monarchis, vicinis & fœderatis, atque olim, cum res nostræ in arcto essent, summis amicis & sociis, præter omnem expectationem & meritum nostrum, conculcato omni divino & humano jure, & posthabita fœderum sanctitate, quæ etiam apud Ethnicos in pretio habetur, gravissimum, & quidem inopinabile & *ἀνέσπουτον*, terra marique inferretur bellum: Necessitas, rerum Magistra, quæ legem non habet, nisi quam temporum conditio flagitat, & res præsentis imponunt, in eandem omnes sententiam & voluntatem, Procures & Cives adduxit.

Cum enim sine summo Imperatore & Duce, qui summæ rei præficiatur, tantum bellum aggredi consultum non esset: & verò peregrinum addiscere, qui rebus novus accedat, nec sit ejus auctoritatis, cui omnes parere & subesse velint, res sit intuta, & periculosa plena aleæ, neque præter Te, in quo hæc omnia inessent, alius occurreret, protinus omnium consensu ad Te itum est.

Utinam id temporius & maturius in opere poni potuisset, & antequam optima gerendæ rei occasio præterisset, dilapso veterano milite, qui ultrò & spontè militiæ nostræ adscribi ambiebat: Qui incerta spe, & inanibus promissis diu lactatus, ne inertia & esuritione periret, potius quam nihil ageret, sub hoste stipendia facere elegit. Ita tumultuarium militem legere coacti, ex urbibus textores, pelliones, sartores, sutores, ex agro rusticos, omnes bello inassuetos, nec ordinem servare nec militiæ legibus obtemperare doctos; illosque opponere exercitato & veterano militi, & Ducibus expertis, & qui bellandi veteres erant: id factum est, cujus sine pudore & horrore meminisse non possumus, & quod genti nostræ æternum & indelebile dedecus apud gentes & nationes, quibus nomen nostrum & virtus de meliore nota innotuerat, inussit.

Quis affirmanti, aut juranti etiã credat, non
justo.

justo bimensi tam bellicosam & alios vincere asuetam gentem, tantum non debellatam esse, urbes fortissimas, munimenta invicta 74. quæ ad menses aliquot hostem singula occupare, lassare, & re infecta ut discederet, cogere poterant, momento non expugnata, sed hosti turpiter, non tormento expulso, non gladio evaginato, ad primam denunciationem tradita, quædam etiam sponte oblata, deserta alia; tres integras Provincias ab unito corpore divulsas & dilaceratas, populos liberos sub jugum missos: ipsam Hollandiam, quæ motum & vitam in reliquis Provinciis influit, parum abfuit, in provinciam redactam, & servire coactam, ni Deus, & tua, Princeps, virtus, & populi furentis impetus, casum illum avertissent!

Sive auro Gallico ferrum nostrum retusum fuit, & probitas & fides quorundam Militiæ Ducum, & Urbium limitaneorum Consulum expugnata & stuprata, & avaritia libertatis perpetua insidiatrix, illâ iniquitatis mercede accensa fuit: sive in multis, qui bellum non viderant, animus degener & effœminatus; sive panicus quidam terror, ex festinato & inexpectato gallici exercitus adventu, qui Trajecti se consumpturus sperabatur, & terrorem sui undique circumferebat, infinita sua multitudine & apparatu formidabilis, ita militum

animos exanimavit, ut manus suas invenire non potuerint. Sive quod vel neglectu & turpi inadvertentia, vel etiam quorundam proditione, & deliberato animo urbibus & propugnaculis nostris de re frumentaria, pulvere pyrio, instrumentis bellicis in tempore provisum non sit, nec Militum sufficiens manus locis, quibus minime deesse oportuit, immissa: sive inevitabilis quædam Periodus, & Reip. nostræ conversio decreta à Deo, sapientum sapientiam sustulit, & prudentiam infatuavit, ut fieret, quod factum dolemus & gemimus: sive omnes causæ, quæ Rebuspub: fatales esse solent, ad exitium nostrum concurrerunt, illudque maturarunt: id certum est, justo Dei judicio hæc omnia nobis evenisse mala, neque de Deo quirirandi, causam vel minimam ansam restare, cum in nobis hæreat omnis mali labes & culpa. Qui defecimus & rebellavimus, & manus nostras, quia puras ad cælum elevare nequivimus, pondere peccatorum pressas non potuimus contra hostem explicare in terra. Ita minui & debellari factum nostrum, quo nos regibus pene pares tulimus, & æqualibus de vi cedere noluimus: Ita luxum & luxuriam, in immodico voluptatum deliciarumque usu, nimiaque non modo in Venerem & Bacchum cupiditate & fervore verum etiam in molliorem vestitum, lautioresque
epulas

epulas profusione, & immanibus ædium substru-
ctionibus pudefieri, & paupertatis & servitutis
intentato metu corrigi oportuit; Ita *Os nostrum,*
quod opposuimus Cælo, & linguam que pervasit ter-
ram, & sublimi sermone superavit cogitationes animi,
compesci, frænari, & ad silentium adigi necesse
fuit. Dominos enim & Reges habere debent,
qui se non habent.

Et jam perieramus funditus, & duos Reges,
loco unius Gubernatoris, cujus ne nomen qui-
dem apud nos extare volebamus, habuissimus,
qui diviso inter se Imperio, pro arbitrio nobis
leges imposuissent: Ni populus, animadversa
Magistratus sui seu prævaricatione, seu præpostero
metu, & quæ ex hac Reipub. inclinatione re-
rum conversio in Religionis & Libertatis præju-
diciu[m] secutura erat, novo & non nisi tam turbatis
& extremis temporibus tentando ausu & exem-
plo Reip. clavum timidis, an suspectis dicam, il-
lis Naucleis extortum, fido & cujus è re esset, ser-
vari navem, & sanis consiliis auscultaturo Guber-
natori in manus tradidisset. Atq; ita abolito æter-
no illo, quod vocant, Edicto, offensionis illo lapide,
& tot scandalorum materia & causa, ut consta-
ret nihil æternum ab homine condi posse in terris,
sed solius Dei esse leges æternas promulgare, quæ
omnes omni tempore obligent: unanimi & spon-

taneo universi populi, tanquam à natura infuso & jussu consensu, cui & mox Proceres omnibus suffragiis suum calculum adjecerunt, collatus tibi, Princeps Illust: præter restrictum illum summi Capitanei honorem, Gubernatoris titulus, cum addita potestate & Eminentia, & illo terra marique Imperio, quo olim gavisi sunt Deceffores Majores tui, & nos in Te collatum videmus, gaudemus, gratulamur.

Quis non in his omnibus videt manum Dei? qui sic omnium animos & voluntates, momento temporis, tanquam si unus homo essent, ad Te inflexit, inclinavit, & Tibi agglutinavit, & hoc affectu, velut arrhabone & sacro annulo universam Tibi Patriam desponsavit. Qui certe ut est magnus Honos, ita quoque maximo cum onere, quod cum illo humeris tuis impositum est, conjunctus. Nunc enim omnium oculos in Te coniectos noris, omnium spem & expectationem in Te conversam, à quo nihil humile, nihil vulgare, sed omnia magna & invisitata sibi pollicentur: Et non modo æquaturum Te Majorum Decefforum tuorum virtutes, & facta Heroïca, sed etiam longo intervallo superaturum non dubitant. Et certe ut fimbriam tuam non extra fines nostros extendas, vel recuperare amissa, idque non cauponando bellum, ut factum, sed bel-

belligerando, ut necesse erit, Maximi & cum veteribus Imperatoribus conferendi Ducis, erit opus, labor, laus, & industria.

Neque vero hæc cogitanti, necesse erit, longè causas, quæ tibi hæc patrandi animum addant, arcessere, aut Te extra Te quærere: cum si tantum per domi Tibi nata exempla ire lubeat, non aliis ad Virtutem incitamentis indigere Te senties, quam Majorum tuorum facta tibi oculis subjicere. Qui per omnes casus exerciti, & utramque naturæ partem experti, sæpe coacti fuere nunc sibi res, nunc se rebus submittere: docti & columbæ serpentem miscere, & leoni vulpem confundere, atque ita fortitudinem cum prudentia mirabili temperamento maritare: Ut vel in hanc solam ideam intuens, omnes fortitudinis, prudentiæ & pietatis partes explicare & in opus producere, Tibi non difficile futurum sit.

Hic verò, quia Majorum tuorum facta est mentio, subsistendum paulisper, & recolligendus spiritus. Volo enim in nitidissimo hoc Majorum speculo, Te tibi ostendere. Quia in illud diligenter inspiciens, fieri non potest, quin Te quoque in illo, permixtum Majoribus & assimilatum invenias & agnoscas, atque adeo huic speculo fias ipse speculum maximum, in quo & illi videantur.

Non

Non enim potes animum retro ad majores reflectere, quin protinus occurrat Umbra & simulachrum Proavi tui Gulielmi I. non ut foedati sanguine suo, & pro Patria expirantis & cadentis, sed Majestate illa & facundia decori, quâ olim in senatu, in exercitu, aut cum tumultuantem plebem compescebat, verba facere auditus & visus fuit. De quo cum silere præstet, quam pauca dicere, id dicendum est tamen. Fuisse quidem illum non Regem natum, sed qui quid sit esse Regem, Reges ipsos docere potuit: nimirum, ut:

Moniti iustitiam discerent, & non temnere Numen.

Qui, dum Reges Europæ immensas opes prodigunt, & populos iis spoliant, & ad extremas necessitates & servitutem compellunt, atque magis evertendi quam conservandi Imperii se gnaros & cupidos ostendunt: Ipse in exiguo hoc Terræ angulo, Religioni, Justitiæ, & Libertati sacrum delubrum erigit, omnibus afflictis, extorribus, oppressis tutissimum receptum & asylum. Quod maximum Inceptum, cui simile non legitur, etsi ob Nobilium inter se, & cum clero & plebe dissensum (ut fieri solet, ubi quot sunt capita, tot sunt sensus) & nimium formidatas Magni Regis longas manus, & longas Iras & quia Papatui certum & Belgio
exter-

exterminium allaturum id judicabat, non falsò fortè, Clerus, ætatem ferre non potuit, neque omnibus Provinciis probari & placere; Id tamen eo effectum vidimus, quod hoc pacto Provinciis Belgicis bene de rebus suis augurandi spes affulsit major: præcipue occasione celebris illius Pacificationis Gandavenfis, quæ utut non, ut sperabatur, finem malorum attulit, at respirandi tamen à malis facultatem ad tempus dedit, & viam ostendit subjectis, qua Principi suo, si æquis conditionibus imperare vellet, morigerari, vel si stare iis nollit, suis se viribus & mutua concordia contra vim tueri, & sua defendere valerent. Deinde, quod ab illo momento, nulli Reformato in Belgio professio fidei suæ capitalis fuit, neque abnegatione ejus vita redimenda. Sed maximum ejus fuit, & quod in totam Europam redundavit, beneficium, quod per illam Universalis Monarchiæ terribile illud spectrum & idolum evanuit, retracta in hunc terræ angulum totius belli mole. Nam interea temporis & Gallia, cui præcipue inhiabat Imperii imaginarii ille Candidatus, se sibi conciliare potuit, & quies reliquæ Europæ concessa, & constantibus Provinciis res suas stabilendi & promovendi animus additus, laudabili illa unione quarundam Provinciarum Ultrajecti inita, quæ novæ Reip. constituendæ fuit

initium, basis & cæmentum. Jamque nihil desperandum hoc Principe Duce & Auspice fuisset, ni fatalis ille globus, manu Infernalis illius Furia, sub specie humana obambulantis, emissus, & vitæ, & maximorum conatuum finem illi attulisset, atque spem omnem recuperandæ plenæ libertatis labefactasset: Ni Dei providentia, excubans rebus nostris, redivivum nobis Patrem in duobus natis redhibuisset. nam tertius penè adhuc puer, Lovanii studiis operans, contra jus Gentium surreptus, & in Hispaniam in captivitatem abductus, injuste negabatur Patri & Patriæ; & generosus spiritus sive diutina servitute oppressus, sive lento pharmaco corruptus, rebus nostris inutilis redditus est. At in duobus istis spes omnis inclinata recumbebat; quorum alter vix ephebis egressus, alter adhuc vagiens in cunis, ita & ore, & extremis corporis lineamentis, & sermone & gestu Patrem referebant, & adulti omnium ejus, politicarum, bellicarum, & quæ christianum hominem absolvent, se hæredes & depositarios comprobarunt; planè quasi seipsum inter duos istos filios partitus esset.

Et si enim nulla virtutum ejus in utroque omnino desiderata sit, non negandum tamen in Mauritio præcipue Martium animum, & virtutes bellicas.

licas excelluisse, quibus velut genuinus Martis pullus exultans, quot urbes cinxit, quot commisit prælia, tot laureis ovans rediit. Ut illo florente, fœderatum nostrum Belgium verè fuerit schola & campus Martis, quò ex omnibus Europæ partibus confluebant, quibus studium fuit, veras belli gerendi artes nosse; quas etiam nemo sibi illo tempore arrogare ausus fuit, nisi illas à tanto Magistro & Imperatore doctus: & qui doctus erat, non etiam protinus summis belli muneribus & honoribus par & dignus habitus fuerit. Henricus vero, Avus tuus, etsi omnibus togæ & sagi muneribus animo par & opere, atque omnium suæ ætatis hominum præcipuus: potissimum tamen in illo mirati sumus, præter illam totius corporis, humana majorem, pulchritudinem, & illam in vultu & oculis habitantem majestatem; vere Εἰς αὐτὸν Τυραννίδος; profundam illam & inusitatam loquendi & tacendi artem & prudentiam, & dicendi, si opus esset, divinam suadam: qua tam potens fuit, ut quocunque vellet, animos duceret, atque ad consilia sua inflecteret: ut vere Patrem in illo loqui, agere & vivere dixisses, sive in Senatu orantem, sive Milites alloquentem, sive Legatis responsa dantem audivisses. Ideoq; etiam merito suo habitus fuit seculi sui oraculum, & magnum incrementum: à quo magni

Reges & Principes consilia in rebus perplexis petere, non infra majestatem suam rati sunt. Et quibus id meritis est, ut & Filium unicum regis nuptiis in Anglia implicuerit, & maximam natu Filiam electorali Brandeburgico conjugio condecorarit, & reliquas, pro merito domus, antiqui stemmatis Principibus elocarit: Et primus Celsitudinis titulum illustrissimæ familiæ intulerit.

At ne nimium Nassovia hæc propago visa potens foret, si propria hæc illi semper dona fuissent: temperare hanc florentis domus felicitatem ad tempus Deo placuit, & tristem eclipsin fulgenti huic soli obducere: cum Filium unicum, spem familiæ, & quem ad antiquam virtutem, animosque viriles, & Avus & Pater & Patruus excitabant, & calcar addebant, jam maturum rebus & parem, immaturo & acerbo obitu rebus humanis exemit, ostensum terris tantum. Quo tamen, si vitam ulterius illi prorogare datum fuisset, non quisquam forte de gente altius Nassovios sustulisset Avos, nec Belgica quondam ullo se tantum tellus jactasset alumno.

Inconsolabilis fuisset hic dolor, & non æstimabile damnum, ni in Te Gulielme tertie, labentis domus fortunam, & subitas fundatissimæ familiæ ruinas reparare, & nova & duratura
Rei-

Reip. nostræ fundamenta jacere Deo visum esset.

Qui jam summis illis IV. viris Quintus additus, quæ à tribus prioribus gesta sunt, & à Quarto promittebantur supplere & superare unus debes & potes. Et vero dubitare de eo non sinunt nos, tot illustria rerum testimonia, & spei pignora non ita pridem nobis data, obsides fidei & virtutis & felicitatis tuæ. Quorum non ultimum, quod tantum non desperatis Patriæ rebus adhibitus, non desperasti de Rep: sed periculosa rem plenam alex aggredi magno animo ausus, lubens tanto oneri supposuisti humeros: eoque omnium animos de publica salute anxios excitasti, paratos omne tuum periculum subire suo.

Et nonne Te jam frena statui moderante, continuo alia rebus facies inducta, præut luctuoso & fatali illo anno, qui superiorem præcessit res nostræ erant, quo nutabant fundamenta terræ nostræ, & fatiscebant columnæ ejus, & omnia præsentem intentabant ruinam? At nunc, quæ rerum conversio! Nova lux orta est, quæ labantes civium & militum animos erexit, & pristinam in præcordia virtutem reduxit: ut qui antehac, etiam non viso hoste, non nisi fugam præ metu cogitabant, nunc ipsi hostem quærere & laceſſe-

re audeant, Batavicæ & pristinæ fortitudinis memores. Aded quidem ut tunc facilius hosti fuerit, munitissimas urbes, imò integras provincias in potestatem suam redigere, & subjugare, quam nunc est, vel minimum propugnaculum manibus nostris extorquere.

Neque tamen, licet imminutam valde & accisam, prorsus etiam fuisse intermortuam Belgarum virtutem, illo eclipscos tempore, quo tenebræ operiebant terram nostram, testantur tot Heroicæ fortitudinis edita exempla. Testatur Smyrnenensis classis, perfidè & ante declaratum bellum, ab Anglis, ut nostrorum opinio erat, adhuc amicis, ideoque sic satis, nisi leviter ante moniti fuissent, indiligenter agentium, insidiosè oppugnata: ita tamen viriliter defensa, ut quamvis non sine damno, salva tamen evaserit, & non nisi cum damno & pudore hostium, & bono omine felicitis in futurum hujus belli successus, incolumis in patriam renavigarit.

Testatur Ardenburgum, ignobile Flandriæ oppidum, tam fortiter à paucis civibus, accedente scæminarum, verè Amazonum opera, contra ingentem Gallorum militum numerum, defensum, & captura multorum illustrium & egregiorum ducum & militum nobilitatum. Ubi primum terrâ lacertos movit Libertas.

Testa-

Testatur Groninga ; sævissimam ab immani hoste , Prædonis potius & Lupi , quam ovium Episcopi nomen merente , obsidionem passa. In qua toleranda , præclara civium , militum , atque etiam studiosorum , sub eximio duce Rabenhautio , virtus eluxit. Laudandi veniunt maxime cives , qui magno & contemptore animo ruinas urbis suæ negligentes , quam feralibus suis bombis in favillas & cinerem redigere moliebatur hostis , fatigatum continuis eruptionibus , cum ignominia à mœnibus suis repulere , æternâ digni laude , & non tacendâ Annalibus gloriâ.

Testatur Coverdia limitaneum & invictum propugnaculum , detestanda ignavia & proditione hosti sine sudore & sanguine traditum , sed majore militis nostri virtute , per glaciem ferro & igne via aperta , claro die , non cauponando , more Gallorum , receptum & expugnatum.

At ne nimium his successibus insolescerent nostri animo , sed paulatim discerent se à tristibus attollere , placuit Deo his latis permiscere amara quædam , atque ita temperare gaudia nostra. Inquies enim Galli animus , & honoris avidus , ne tantum cauponis instar , pretio aut proditione urbes emisse aut suffuratus esse dicetur , non vera virtute aut aperto Marte memorabile aliquid tentasse ; Trajectum ad Mosam ,
inter

inter capitales Brabantiae urbes non postremam, commeatu, cive & milite refertam, arte, opere & situ (quo Gallos praecipue juvare poterat) admirabilem & munitissimam, sibi delegit, in qua oppugnandâ vires & industriam experiretur. Quae etiam festinatâ & paucorum dierum operâ expugnata, exemplo esse potest, nihil mortalium ingenio tam posse firmari, quod non tandem improbo labore, & pertinace vincendi studio superari queat. Sive enim ipsius Regis, haecenus felicitis, praesentia & majestas, & in urgendo opere assiduitas, sic ducum & militum animos accendere, & vitae prodigos efficere valuit; sive novus & crudelis ille oppugnandi urbes mos, Turcis usurpatus, illisque solis relinquendus, nec imitandus Christianis, obsessis terrorem attulit & desperationem: cum continuo in demortuorum locum, novum militem quasi è terra nascentem, succedere viderent neque spatium recolligendi vires, aut requiem à laboribus sibi dari: impulso sine ulla mora pedite ab instante & urgente equite, ne retrò respicere aut fugere posset; cum æquale illi vitae periculum, tam ab obsessis, quam commilitonibus immineret. Quaecunque causa sit, praeter opinionem nostram & totius Europae accidit, ut urbs haecenus credita invicta, & saltem ad menses aliquot hostem occupare
potens,

potens, momento quasi expugnata in Regis potestatem devenerit. Ut jam post tot prodigiosos successus, nihil sic Regi suspectum esse debeat, quam longa illa & non interrupta felicitas, blandientis Fortunæ lusus & ludibrium. Quæ nisi reverenter à Rege habetur: vix est, ut non tandem experiatur illud Chaldæorum Regis fatum, „ quod olim Propheta illi cecinit. Nimirum, „ ut Regibus illulis, & Principibus ludibrio habitis, dum ipse omne munimentum irridet, & „ aggerit pulverem, & capit illud: Tunc per „ vadente spiritu & transeunte, luat, & vis illa, „ quæ illi fuit pro Deo suo, illum destituat. Certe ab illo tempore, nihil ille memorabile, & tanto opere dignum gessit, sed fulminis instar, quæcunque loca adiit, evertit, prostravit, non aliter quam si fulminatus ipse fuisset.

Tum vero Batavis ex indignatione animum redire vidimus, atque tam alte animum tuum, Bellicosissime Princeps, jacturam hanc pupugisse, ut quia consilia tua de solvenda obsidione, ob loci distantiam, militis nostri paucitatem, & temporis brevitatem, non ex voto processissent: amissum hoc decus, fortissimi oppidi Nardæ recuperatione compensandum statueris. Etsi enim Nardam Trajecto opponere, perinde alicui videri posset, ac rustico judicio Mantuam Romæ similem

milem facere: tamen vel ob loci situm, quo si alius, incommodabat rebus nostris (tribus enim tantum leucis Amstelodamo, Hollandiæ nostræ Capitolio, abest, & equitatus nobis omnem usum, sita in terra solida & arenosa, nobis tollebat) & quia conferto & fortissimo Helvetiorum & Gallorum præsidio infessa, & extructis recens munimentis fortior, unice conducebat rebus nostris, non esse illam diutius in potestate hostium: Videbatur multis insanix quædam species, rem tantam adulto jam autumno, & tam pluvioso cælo tentare, & propinquo hoste duce Luxemburgio cum justo & nostro numerosiore exercitu. Sed inviam virtuti nullam esse viam, tu nobis opere ipso demonstrasti. Princeps; qui simul cinxisti corona Urbem, festinatis cuniculis, & continua tormentorum verberatione dejectis exterioribus munimentis, & quassatis mœnibus, & inscensionibus viam monstrantibus, ita terruisti hostes, ut vitam & res salvas pacti, deditionem facere compulsi sint. Hic prima salutis spes & via liberandæ Patriæ ostensa.

Sed an interea cessatum mari? Imò nunquam & nusquam in Oceano Britannico & nostro, nec forte etiam, ut præfiscinè dicam, à condito Mundo, majora virtutis exempla edita sunt. Quæ dum tenuiter & breviter recito, credite me Magnalia Dei

Dei, & mera vobis Miracula narrare, tribus illis & stupendis Victoriis à nostris ab hostibus reportatis conspicua. Cum enim duabus duorum potentissimorum Galliae & Angliae Regum classibus Mare stratum esset, quales non est memoria olim in Oceano nostro visas fuisse (nisi quis forte Hispanicam illam, invincibilem à suis dictam, quâ anno illo mirabili 1588. Philippus Angliam, & Nos ejus appendicem subigere & sui juris facere cogitabat, multum opinione sua falsus, hisce accensendam vel conferendam putet) & quibus optatum successum, & certam victoriam deberi, omnium opinio, & noster metus erat, & ipsi hostes nostri sibi augurabantur, & spondebant: E contrario accidit, ut duobus prioribus praeliis, quibus octiduum tantum interfuit, nostra classis suis tantum pollens opibus, & instructa navibus & hominibus suis, deserta à vicinis & amicis omnibus (quorum aliquibus tam utilis & tempestitiva, rebus eorum dubiis, opera nostra fuerat) licet numero & magnitudine navium, tormentorum, sociorum, militum & auxiliorum omnis generis inferior multum & impar hostili, at animis, & bonæ causæ fiducia superior, ausa fuerit primum incursum hostilem fortiter sustinere, secunda verò vice hostem etiam laceßere, atque fortius impetum inferre: Illo eventu & exitu, ut depressis & incensis

aliquot hostilibus navibus, majoribus, minoribus, & multis crebris tormentorum ictibus perforatis & edossatis, & ingenti ductorum & sociorum strage edita, mari excedere, & celeri, & turpi fuga portus suos repetere, hostis sit compulsus. Id non obstitit tamen quin vix bimensi exacto, resumtis animis & viribus, & resectis navibus, ad eluendum prioribus præliis acceptum dedecus, & detergendum ex Annalibus pudorem, ut ne Batavo inferior Anglus haberetur, immani & infelici conatu nostros denuo aggredi; & tertiare pugnam ausi fuerint. Putabant enim classe nostrâ in vicino mari subductâ, socios prioribus pugnis lassatos securius agere, atque adeò imparatos, levi opera vel opprimi posse & debellari, vel ob desidiâ nostram tuto se posse militem suum exponere in Zelandiam, atque oppida aliquot nostra capere, aut agrum incendiis & cæde devastare.

Ast aliter visum Deo Zebaoth, cujus unum opus superbis resistere, humilibus succurrere, & qui quam militibus suis, pro justitia armatis, futuram prædixit pugnam, etiam in congressu pugnantibus largitus est victoriâ. Cum enim ad rem ventum est, tam sana & recta Navarchis inspiravit consilia, & omnia momenta rerum observandi solertiâ; sociis vero tam promptam dubibus obediendi voluntatem, & periculorum &

mior-

mortis contemptum indidit, ut quasi jam illis robur & æs triplex circa pectus natum esset, omnibus idem esset animus vitam pro laude pacisci. Atque ut ipse præsens Agonotheta agnosci posset, cujus nutu & jussu omnia gererentur, ita mare ex usu nostro stravit, fluxum & refluxum ejus præter naturæ leges, retardavit & inhibuit, ne exscensionem in tempore facere posset hostis, ita opportune in ipso pugnae initio ventum vertit, quasi nobis militaret æther, & conjurati venissent ad prælia venti.

Fuit hic ultimus conflictus omnium acerrimus, sociorum cæde, sanguine, vulneribus, ruina & incendio navium, & occidione ducum tum ex nostris aliquot, tum vel maxime ab Anglorum parte atrox. Inter quos præcipue lugendus ille Angliæ Neptunus Sprag, cujus virtuti, si in factis fuisset, Anglos superiores fuisse hac pugna, victoriæ gloria videbatur deberi. Nunquam fortiore & majore animo rem gerere & dimicare visi sunt Angli; siue nationis bellicosæ ambilio, & amissi nuper decoris recuperandi cupido: siue ut Gallum, nimis hic desidem, & post principia pugnantem, suo exemplo provocarent, aut saltem victoriæ testem haberent, illis stimulos addidit ad extrema & desperata quæque audendum: id maxime movit, ne dici possent dominatu maris exci-

disse. Nostri vero animum addidit evulgatum inter socios, crudele hostium decretum & ever-
tendi gentem nostram propositum, eamque Ro-
manorum exemplo velut alteram Carthaginem
delendi: prout vox illa & horrendum carmen
in supremo Anglicæ Gentis confessu auditum
fuit, & ex Regii Ministri ore exceptum. Quo &
pudor noster in furorem & vindictam exarsit, &
recens accepta terra ignominia, non nisi egre-
gio facinore mari eluenda & expianda, & quæ-
dam quasi vincendi consuetudo, sociorum ani-
mos ad ipsa pericula provocanda invitavit, &
pulchræ & decoræ mortis avidos, & non falsos vi-
ctoriæ candidatos fecit.

Miraculum vobis, an Prodigium narrabo,
Aud: Quod tribus hisce navalibus pugnis, ne
unica quidem navium nostrarum desiderata sit:
nisi quod una primo prælio, quia excedere pu-
gna ob haustas & imbibitas aquas debuit, in ip-
so pene portu, inscitia ductoris vadis illisa pe-
riit. Quod vero rarum est Dei beneficium, pri-
mis duobus præliis omnes Thalassiarchæ nostri
& Duces incolumes & illæsi evaserunt, tertio
prælio, ut videtur, reservati: in quo tres ex me-
dio ordine Admiralii, gloriose & fortiter pro pa-
tria pugnando, (quod dulce & decorum,) occubue-
runt. Et ut omnis victoria amat curam, ita mox
à pug-

à pugna reparata est classis , ut vel ad quartam vel plures etiam pugnas , si opus esset , & sicut erat avida , ita quoque esset expedita.

Tanta hæc sunt , ut nihil magis cavendum nobis sit , quam , ne quid hic decerpatur de gloria , quæ soli Deo debetur , ita ut neque cum illo partiri illam velimus , aut reti nostro sacrificare ; quasi aut Thalassiarcharum & ducum nostrorum providentia & virtus , (quæ certe hic magna fuit,) & omnium occasionum prudens selectio & occupatio , & appropinquandi & recedendi , & remeandi rursus , & ignem dextro tempore hostilibus navibus subdendi , & tormenta explodendi scientia & peritia , hæc omnia effecerint : aut militum virtus , sociorum alacritas & promptitudo , & discurrendi per omnes navis partes celeritas , ut unum eundemque nunc tormento adstare , mox vela attollere aut deprimere , nunc clavum gubernare , momento per rudentes in summum malum evadere & eniti videas , nobis oculos perstringat , & à Deo avertat. Cum nisi Deus adfuisset ipse certantibus , & nostris animum & fortitudinem , hostibus terrorem & consilii inopiam immisisset , & undas tranquillas esse , & ventos propitios flare jussisset , & omnium præliorum Brabeutes ipse adstitisset , nobis ne manus quidem nostras movere , aut invenire illas , ut S. Vates loquitur

quitur, datum fuisset. Etenim, quam volumus licet, Aud: ipsi nos amemus, tamen nec numero Gallos, nec robore Anglos, nec calliditate Hispanos, nec gravitate & fide Germanos, nec artibus illos omnes, nec denique hoc ipso hujus gentis ac terræ, domestico nativoque sensu, Flandros & reliquos Belgas præcellimus; sed pietate ac Religione, atque hac una sapientia, quod Dei immortalis numine omnia regi gubernariq; perspeximus, hætenus tot victorias ab hostibus reportavimus, tot terrâ marique strenua opera & facinora edidimus. Non prætereunda hic nobis tua, Princeps Vigilantissime, diligentia & cura, qui non satis habuisti, ante classis excursus in commune cum Navarchis consulere, & omnes bene gerendæ rei rationes expendere, & justa lance librare: Etiam ipse classem, cum in anchoris ante littus nostrum staret, adire & visere voluisti, & jam antea socios & militem gravibus & *καρτεραις* illis literis compellaras, & officii sui admonueras, idque iis verbis, quæ vel ignavissimo cuique animum addere, & mortis pro patria contemptum ingenerare possent. Ut neque hîc abfueris.

Sed quid, quæso, nobis profuisset, Mare vindicasse, & tam splendide vicisse, si angustè nobis in terra nostra, & sub lubitu novi domini, habitandum fuisset, aut eâ carendum? quod certe parum

parum abfuit, ſi tantum proſperitate ſua, & noſtra ignavia uti ſciviſſet Gallus. Et certe niſi te nobis Deus, Princeps deſideratiſſime, deſperatis rebus Gubernatorem dediſſet, & neceſſariis huic tempori virtutibus, & heroïca fortitudine donaſſet, jam perdideramus terra marique imperium, nec ubi navibus victricibus tutam ſtationem assignaremus, habuiſſemus.

Hec vero nobis Deus, pro more ſuo, quo ſemper omnes res noſtras confecit nobis, è machina adfuit, cum in Te, Princeps Bellicioſiſſime, nobis alterum Scipionem tanquam è ſepulchro reduxit & exhibuit. Qui olim, cum Italiæ ille Incubus Hannibal, præter urbem, univerſæ terræ potens, non niſi cum Romani imperii ruina, bellum illud finiturus videretur; ſalutari conſilio tranſferendum illud ex Europa in Africam, atque ita retrahendum Annibalem ad tuenda propria, populo Romano auctor fuit, & perſuadere potuit. Similiter Tu quoque, magni huius Imperatoris veſtigia ſecutus, primum cum Hiſpano, dein quoque cum Imperatore ſocietate inita, in hoſticum promovenda caſtra cenſuiſti, & verò, quæ tua eſt ſuada, ſociis rem facilem factu oſtendiſti. Quod magni animi ceptum, licet initio ſine ſperato ſucceſſu abierit, ita tamen hoſtes conſilii anxios reddit, ut ab illo tempore, tota belli ratio mutata ſit.

Certe per C.T. non stetit, quod non stupendo illo strategemate, (si successus proposito respondisset) bellum à finibus nostris momento in hosticum translatum vidimus: suscepta omnium admiratione, generosa illa, media hyeme, expeditione ad Carolo-Regium. Qua obstantem Gallorum exercitum, expugnato Falcoburgo, loco cedere, & Ducem ejus Durazzium, sola fuga se tutum putare, metumque tui ad Ubios usque circumferre jussisti. Et certe ni hyemis intemperies tam subitò ingruens, obstitisset, & non in tempore repræsentata tormenta & promissa auxilia, sicut convenerat, egregium inceptum corrupissent, capto illo Regali & inexpugnabili munimento, viam Tibi irrumpendi in ipsa Galliæ viscera, ferro aperuisses. Sed careant, opto, successibus, qui tam strenuum & virile facinus ab eventu notandum putant; Potius inde discant hostes, juvenem hunc Leonem non temere esse lacessendum, ne aliquando recollectis viribus, majore & feliciore ausu & impetu res majores aggrediatur, & metuere cogat, quos omnes jam metuunt. Cui enim magna & præclara tentandi, omnes asperitates supervadendi, & difficultates omnes superandi adest voluntas, mirum ni & vincendi illa & faciendi aliquando illi detur facultas. Antequam hinc abeam, unum adhuc superest ut dicam, quod non tantum à malevolis notatum,

tatum, successu caruisse hanc expeditionem; sed & quod interea dum abfuisti, pene periculum adiimus, si non amittendæ, at saltem gravi damno exponendæ & mulctandæ Reip: Hoc enim interim spatio, Gallus occasione hac utendum ratus, valida veteranorum collecta manu, Ultrajecto movit: certus beneficio glaciæ, in mediam Hollandiam irrumpere, & si totam vastare non posset, saltem Leydam nostram, & vicinam Hagam militibus prædam dare, & incendio deformare. Id factum præcipue ducis Luxemburgii instigatione, qui si auctoritatē Ducis demas, nihil est aliud, quam lutum sanguine maceratum, sævitix & avaritix ostentum. Ille ergo aureos montes militibus pollicitus, & impunitas fore cædes, rapinas, raptus, libidines, fœminarum & virginum stupra, ædium direptiones, pagorum incendia; ita animos illorum incendit & inflammavit, ut si vel in ipsum Infernum ducere potuisset & voluisset, promptos & sequi paratos habuisset. Hoc animo ille, contempto frigore, per lubricam, nec adhuc tanto ponderi sustinendo firmam glaciem, exercitum promovit ad Swammerdamum, & Bodegraven, populosissimos & amœnissimos istius tractus pagos, egregia tunc nomina, nunc rudera tantum, busta & funera. Quò cum venisset, comperit non solum loca ista à milite nostro denudata, sed & ulterius omnia ope-

sa & castrorum munimina deserta: & exercitum nostrum, sive Præfectorum inertia, sive vano metu (nam de proditione non constat) partim Goudam, partim Leydam versus abiisse. Qui si stare tantum voluisset, & defensionem simulare, madidum & fessum hostem solo vultu transitu prohibere: & si animus rediisset, florem illum militiæ Gallicæ dele-
re & proterere potuisset, peritorum opinio est. Itaq; in vacuum veniens, neque habens qui resisteret, continuò lupinum animum nudavit, & contra inermes viros & imbelles fœminas, pueros & infantes, & contra tecta & parietes, omnes crudelitatis species & formas exercuit.

Quis cladem illius noctis, quis funera bando

Explicit!

Nulli ætati, nulli ordini, nulli sexui parcitum: sævitix, libidini, cædi, incendio, nullus modus nec finis datus. Vidisses non solum virgines, sed & immaturas puellas, honestas matronas, uxores aspicientibus & frementibus maritis, etiam vetulas à furiosis illis tauris subactas & stupratas, & expleta libidine, omni cruciatus & ludibrii genere dedecoratas: ut pro munere habitū fuerit, posse mori. Quicquid vitæ prædictum occurrit, novæ illis sævitix argumentum fuit. In templa, domos, privata & publica ædificia, quibus hi pagi, velut oppida reffer-
ti erant, ita sævitum injecto igne, ut nisi una
domo

domo superflite, omnia conflagrarint. Credo, Galle, Te nobis immanissimæ illius Lanienæ Parisiensis typum in hoc factō oculis subjicere voluisse, ne gentis vestræ indoles ulla oblivione deleatur. At extra orbem nostrum quæras, suadeo; apud Canadas, Madagascaras, & Anthropophagos homines quibus hoc pacto imperes. Nobis Batavis, qui ab hoc uno crimine qualis sitis omnes, discimus, tam altè ab hoc facinore sedet animo, omnium potius bonorum jacturam, & ultimam sanguinis guttam profundere, quam tales pati Dominos. Ut merito Leydenes & Hagieneses inter maxima Cœli beneficia numerent, vos non vidisse. Qui, si non insperatō pluviam è thesauris suis eduxisset Deus, & emisso verbo & vento congelatas stantes aquas liquefecisset & fluere fecisset, vix illum casum evasisset. Ita quod nobis salutis, illis fugæ & metus causa fuit: qui pedem ultro promoveri non ausi, duos turpissimos errores commiserunt: tum quod illud ad Goudæ cataractam à nostris extructum munimentum, cum nostri illud non tenerent, occupare neglexerint: quo magnum & longum nobis facessivissent negotium: tum quod munitiones nostras, tanta cura & sumptibus è mediis aquis erectas, vacuas inveniētes, tenuiter tantum illas demoliri contenti fuere. Quis si retinuisset, & præsidio & opere firmasset,

sent, formidabile, nec facile avertendum inde bellum opportunè nobis inferre potuissent. Interea opportunè supervenisti, Princeps, & tanquam beneficium sidus adventu tuo, omnium animos recreasti, metu liberaſti, & fugato hoſte, & receptis munitionibus, omnia pacata reddidiſti.

Hæc verò injuria an contumelia dicam, ſic exulceravit animum tuum, Princeps generoſiſſime, ut niſi vindictam retuliſſes, vitam tibi acerbam fore credideris. Nam ab illo tempore obſidere hoſtem undique cepiſti, extructis hinc inde munimentis, quorum nullum unquam capere potuit: & expugnata tam forti & celeri opera Narda, omnia etiam tuta timere hoſtem docuiſti. At ne in tenui labor eſſet, majora mox de Patria liberanda agitaſti conſilia: quorum iſtud palmarium, de transferenda aliò tota belli mole, ut ibi extingueretur bellum, ubi primum natum eſt. Imminebat jam Rheno Cæſareanus exercitus, qui quamdiu conjunctus fuerat Brandenburgicis copiis, tota æſtate nihil memoratu dignum contra Galloſeſerat: niſi quod quamdiu conjuncti fuere exercitus, hoſtem detinere, ne ulterius in Germaniam irrumperet, aut tota virium mole in nos inſurgeret: at poſtea Brandenburgico (cauſas Deus novit, hic nihil diſſindere auſim) clam Germano, cum Gallo tranſigente, ne otioſus maneret

ret, jungi nobiscum optavit, & conjunctis viribus bellum geri. Hanc tibi fronte divinitus, Princeps, oblatam occasionem, & bene capillatam, ne præterlapsa calvam ostenderet,prehendendam ratus, sine mora, magno silentio, ascita parte Hispanici exercitus, agrum Coloniensem, & in eo Bruelam, Episcopi sedem & domicilium, ubi infausi hujus Belli cum Gallo fundamenta, inita cum illo societate leonina, jacta sunt, statim atque pedem in eo posueras, occupasti. Et quidem primo adventus tui nuncio, Electorem, & cum eo Furstembergios, pessimi consilii suggestores & auctores, Patriæ venditores, fugere & latebras querere compulisti. Qui hinc inde dilapsi, Elector quidem Coloniā petere & monasterii colonus esse ad tempus optavit: alii alio diffugere, ita examinati metu, ut quid agerent, planè nescirent. Inde promotō exercitu, & cum Cæsareano latis auspiciis sociato & conjuncto, & mox oblato tibi Generalatus, ut vocant, honore, mira accidit rerum conversio. Visa mihi tum est Germania, illa vagina gentium, tot liberarum nationum Mater, illa olim Martis officina, & artium alma nutrix, ab ingratis & degeneribus Filiis prodita & vendita, jamque emtorem nacta, si tradi potuisset: non illo cultu & Majestatis insignibus,

bus, quibus olim rebus florentibus ornata & decora videbatur, sed squalido amictu, & foedato præ nimio dolore vultu, mœsta & atrata incedens, aspectu Herois nostri, Germanici sanguinis Principis, & in cuius vultu Avi Imperatores & Reges adhuc legebantur, recreata, & quasi novo spiritu animata, denuò revixisse, & ab hoc occursu latiorē vultu conspici cepisse: atque pro gloria dixisse, tanto Liberatori manum porrigere, atque à tali Chorago ad honesti belli choreas invitari. Utpote adhuc memor, quanta olim bella felici successu & exitu, Nasso viis ducibus gesserat. Nec mora, extemplo à conjuncto exercitu obsidetur Bonna, urbium post Coloniā in illo tractu præcipua, varia belli fortuna celebris, situ ad Rhenum, aula Principis, munitione & præsidio militari bene instructa, & ad sui defensionem egregie composita & valida: quæque capta, captores totius ditionis reddebat dominos. Hic maxime nostri Imperatoris virtus eluxit, qui festinandum ratus, & operibus ipse invigilans, ita institit obsessis, eosque continuis assultibus lassavit, ut brevi temporis spatio, deditionem facere compulerit. Et ni instans hyems, pluviâ, nebulis, nive, & gelu foeda & horrida, aciem militum retudisset, & armorum progressum retardasset, non est dubium, quin
pauca

paucae adhuc reliquae urbes, idem exemplum secutae se victoris arbitrio permisissent. Sed humanitatis tuae fuit, quae Nassoviis ducibus peculiaris semper fuit virtus, parcere militi, & ne magis ab aeris & terrae injuriis, quam ab hoste laederetur, in hyberna illum mittere, ut proximis castris novus accederet. Haec nos, Aud: tam stupenda & insignia, ne culpâ ingenii deteramus, ita levi penicillo adumbramus, quae integrae & justae historiae aliquando materia erunt. Tantum id addere necessarium duxi: Gloriosae hujus expeditionis magnitudinem, non posse rectius aestimari & comprehendere, quam ex iis quae illam protinus consecuta sunt, effectis, & beneficiis. Quod enim respiramus à malis, quod ex hisce angustiis in patentem & liberum aeremeducti sumus, quod ad vicinas urbes, & loca ab hoste infesta, securus aditus datus est, & commercia cum amicis exercere licet, quod spes recuperandi perdita ostensa, quod pristinum genti Decus assertum, id totum felicitis hujus expeditionis beneficium est. Cujus rei fama, contineri intra terminos nostros non potis, exemplo per totam Europam fuit didita, eamque laeto hoc & gratissimo nuncio replevit. Haec verò quantâ admiratione, applausu & encomiis excepta, & quot laudibus ab benevolis & amicis in

cœlum eveſta fuerit: Quanta initio inter ſpem
& metum ſuſpenſos malevolos & hoſtes, quia
quod certum erat, more ſuo credere nolebant,
incertitudine & pudore detinuerit, & menda-
ciorum fabros fecerit: Quanta indignatione,
pallore & metu, poſtquam omnia fama majora
comperta ſunt, eos terruerit, afflixerit, poſtra-
verit, Quis mente concipere, quis verbis expli-
care valeat? Ita jacens Gentis noſtræ exiſtima-
tio, quæ jam ob perditas terrâ res, laborabat
plurimum, & paſſim in aulis & menſis Principum
ſannis & ludibriis diſcindebatur, & famoſis li-
bellis, picturis, diſteriis & jocis, & omnium
colloquiis differebatur, repente mutato ſermone,
omnium ore laudata eſt & prædicata, atque eti-
am victoriæ confeſſio inimicis, invitis licet &
fremetibus, extorta. Quin etiam (quod pro-
pius nos contingit) ab hoc momento Gallos
ita externatos vidimus, & conſilii inopes & incer-
tos, ut velut ſiderati nihil occipere, nihil moliri
auſi, tantum de convaſandis vaſis, & abdu-
cenda præda ſolliciti fuerint. Et uæ eſt genius
& fatum gentis, ut feliciores ſint in quæren-
do, quam partis tuendis, vidimus illos ad pri-
mum famæ hujus nuncium, Ultrajectum & vi-
cina oppida, imo integram Provinciâ, in
qua tam impotenter dominatum & tyrannidem
exer-

exercuerant, & populum expilaverant, & hostiles excursiones in Hollandiam fecerant, sponte sua, nullo hoste viso aut persequente, tantum obsidibus acceptis, qui magno are vexationem civium & direptionem urbis redimerent, deseruisse. Cujus exemplum mox secutæ Bommelia, tota Velavia, Campena in Transsilulani, Steenwicum: & spes est brevi Gelriam & Transsilulaniam evacuandas.

Magno argumento, potuisse nos initio belli planissime resistere Gallo, & virtute propria irritos reddidisse omnes ejus conatus, & prodigiosos successus prævenire, si modo Te, Princeps, summum imperatorem, & rerum arbitrum habuissemus. Certe ab hac hora respirat Germania, & Gallicorum armorum despectus quidam illi natus est: Principibus injuste oppressis nova lux orta, & spes brevi recuperandi sua ostensa: & primi illi gradus, quibus ad præmeditatam & tanto opere cupitam Monarchiam ascendere nitebatur, jam amputati & provoluti sunt. Quod majus est, ne à fœderatis & sociis quoque deseratur, metuendum illi quam-maximè. Infidæ enim sunt semper amicitia, quas non verus amor, non justitia & honestas, sed ambitio, avaritia & in scelera eadem consensus conciliant. Et nonne videmus Angliam, quasi è ve-

terno excitatam, melioribus consiliis dedisse locum, aulicorum quorundam avaritiam & perfidiam deprehendisse, & ficti amici *δύπα ἀδύπα*, & mendacia auxilia, & verborum lenocinia & fucum Regi jam pellucere, & quam semper cum ipso ambivimus & profecuti sumus pacem, jam nobiscum ex animo velle? Imo jam summo Dei beneficio, & bonorum gaudio ad exitum perductam.

Quibus omnibus rite pensatis, sic existimo, Te, quas in summo Imperatore res inesse oportere olim Cicero scivit; scientiam rei militaris, virtutem, auctoritatem, felicitatem, eas omnes tibi inesse, vel unica hac expeditione comprobasse & ostendisse. Quasi enim cum lacte hanc peritiam imbibisses, aut à majoribus per traductionem accepisses, ita illam gesto hoc bello exeruisti, ut nulla res fuerit in usu militari posita, quæ tuam scientiam fugerit. Quæ verò dicuntur virtutes sive artes Imperatoriæ, ut est labor in negotiis, fortitudo in periculis, industria in agendo, celeritas in conficiendo, consilium in providendo: tanta illa in te uno insunt omnia, quanta non singula in multis. Quid dicam de aliis virtutibus, artis hujus Architectonicæ comitibus & ministris, innocentia temperantia, fide, facilitate, ingenio, humanitate? Ita vero illa tibi propria fecisti, ut quod, aliis multo rerum usu, & longa experientia consequi

sequi vix datur, id tibi indoles & naturæ quædam bonitas & perspicacia sponte suggerant & subministrent. Quoniam vero *Auctoritas* multum in bellis administrandis, atque imperio militari valet: atque vehementer pertineat ad administranda bella, quid milites, quid hostes, quid socii de Imperatoribus existiment, cum certum sit, homines in tantis rebus, ut aut contemnant, aut metuant, aut oderint, aut ament, opinione non minus famæ, quam aliqua certa ratione commoveri. Eam vero tantam tibi Deus Opt. Max. contulit statim initio regiminis, cum bello nostro præpositus fuisti, quantam non multi veterani duces rebus præclare gestis consecuti sunt, aut meruerunt. Quid enim non possit illa oris majestas, & totius corporis decor, morum gravitas, & nervosa illa dicendi brevisloquencia, & plus quam senilis providentia, & agendi quævis suo loco & tempore solertia, quæ in Te velut radii emicant, & omnium animos in admirationem trahunt, & in tui amorem incendunt? Habes enim verè illud, veteribus tantopere laudatum, *ἐλκυσικόν*, quod etiam non animadvertentibus obrepit, atque externos, indigenas, simul te viderunt, allicit, ut gloriæ sibi ducant, tali duci optemperare, & ab eo leges accipere. De Felicitate verò, quia præstare illam de sen-

mo potest, sed est eximium Dei beneficium, timide & pauca dicenda sunt, sicut æquum est homini de potestate Dei agenti. Multis enim & magnis Imperatoribus ea negata est, vel semel tantum, & sæpe quasi per ludibrium ostensa tantum. Tu verò quantas res domi, militiæque, terra marique & præcipue in Coloniensi hac expeditione, felicitate & celeritate gessisti? ut tuis semper voluntatibus non modo cives assenserint, socii obtemperarint, hostes obedierint, sed etiam venti tempestatesque obsecundarint. Vix veneras, vix videras, & jam viceras.

Hæc vero tanta ac talia sunt, Princeps felicissime, ut de iis cogitare non possis, quin animum subeat Reverentia & timor Jehovæ, qui tam magna & inusitata per Te operatus est, ut vere & ex animo Te sub potente ejus manu humiliari necesse sit, quo materiam illi porro te extollendi præbeas.

Atque hæcenus quidem Te, velut Martem quendam thorace & sago amictum, ense accinctum, & baculum dextra tenentem vidimus. Quia vero ut in pace cogitandum de Bello, ita in Bello de pace, neque alio bellandum animo, quam ut pacem inde consequamur: atque pacifica posthac habituros nos tempora Tibi & nobis vovemus, & non incertis auguriis id nobis videmur posse promittere: Age, & quia tum magis pacis artibus,
quàm

quam belli studiis usus erit, & Te togatum paulisper, depositis armis & sago contemblemur: & quovis pignore certare ausim, non minus decorè Togam sessuram, quam sagum.

Atque hic mihi orandus venis, Princeps clementissime, ut ne in sequiorem partem, atque à me dicentur, interpretari velis, si senili parrhesia, pauca quædam tuam celsitudinem monere audeam, quæ rita perpensa, Remp. nostram cò usque beatam efficere valeant, ut & convalescat à malis suis, quibus laborat, & constante prosperitate floreat & gliscat, atque æquabili fortunæ tenore semper gaudeat & fruatur.

Inprimis, quia rebus adedò turbatis & perplexis ad Reip: clavum accessisti, quibus omnia intestinis dissidiis fervebant, & tristi exemplo (utinam nunquam redituro!) multis in locis ci ves inter se & cum magistratu suo commite rebantur: adedò quidem ut locis quibusdam sine ædium direptione, & sanguine & cæde (horresco referens) hæc contentio abire non potuerit: Tuæ hic sunt partes, hæc Reip. nostræ tempestates & decumanos fluctus, (quamvis magnam partem benignitate Dei, & tua operâ compositos & sedatos) porrò auctoritate tua, quâ polles compescere, & sapientiâ serenare. Quia justus metus subest, nî factiones hæ in herba oppri-

opprimantur, & doceantur pati pacem, qui sponte nolunt, novi fluctus Navim nostram in mare referant, atque ita ultima nostra deteriora fiant primis. Nisi enim mature & dextrè hæ turbæ componuntur, & convenienter genio gentis, verendum, ne majus nobis ab interno hoc hoste, quam ab externo aliquando immineat periculum, & ingruat damnum. Sunt enim hæ *publica belli semina*, quæ *populos semper mersere potentes*: atque ut sapienter monet *Livius*, semper erunt populis magis exitio, quam bella externa, quam fames morbive, quæque alia in Dei iras, velut ultima publicorum malorum vertunt.

Præterea, quoniam nobis Batavis, Oceani accolis, continuò est vastum hoc Maris æquor arandum, quia illud est fundus reddituum nostrorum, & per illud quaquaversum in omnes **Mundi** partes datur excursus & aditus: quo negato vel occluso, rerum & mercium, quibus abundamus, exportatio, & earum quibus egemus, invection nulla esset, atque ita momento ad inopiam & esuriem redigeremur: Inter præcipuas tuas curas, & hæc esse debet, quæque **C. T.** ut maris summum Præfectum, in primis decet, ut mare, quod Deus, Natura, Jus Gentium omnibus mare colentibus, & mercaturam facientibus pervium & navigabile esse voluit, liberum & apertum conserves. Cum
nisi

nisi ille solus Mare clausum reddendi jus habeat, qui apposuit illi *vectem & valvas*, dicens, *hucusque venies*, & *hic depone superbiam fluctuum tuorum*.

Quæ si non in memoria verba, certe in mente sensum illorum habuit magnus *Carutus*, Regum Anglorum decus. Qui cum obsideretur ab adulatoribus, Corvis aulicis, dicentibus illi omnia servire illi, & ad nutum ejus, vultumque converti: ille foedam adulationem sic repressit. Spectantibus,, iis sedem regiam in litore maris posuit, in ipso,, accessu ejus & fluxu: tum dixit: Tu mare ditio,, nis meæ es, & Terra in qua sedeo, est mea: Im,, pero tibi & denuncio, ne in terram meam,, ascendas, nec membra nec vestem domini tui,, madore profundas. Dixerat; at dicto non parens mare, tenorem suum tenebat, veniebat, allucebat. Tum resiliens: En, inquit; quam ego,, omnibus imperito! Quin sciant omnes, qui,, terram incolunt, vanam esse & falsam Regum,, potentiam: atque unum eo Imperio dignum,, qui verè imperium inhibet cælo, terræ, Mari., Quod si ad exemplum Canuti sibi jugiter præciperent, & animo imitandum proponerent Reges terræ, majore modestia Imperium haberent, atque lubentius se illi subjicerent, qui fecit cælum, terram, mare, & quæ in iis sunt, & cujus proinde est terra & plenitudo ejus.

Vides, Princeps fortissime, quam arduum munus adieris, dum non terram modo habitantibus tutam: sed & mare piscantibus & mercaturam facientibus pacatum præstandi provinciam suscepisti. Quam ut recte geras & impleas, animis opus est, & pectore firmo. Neque enim officia hæc rite & sicut oportet, obire & præstare hominis est de vulgo, & cui anima est profale, sed cui sunt de meliore luto ficta præcordia, cujusque cordi multum auri indidit Deus. Ille instar aquilæ, insolitos in sublimi aere meditantis nisus, non captat muscas, sed in integra ovilia irruit, & in reluctantibus Dracones impetum facit. Atque talem te nobis fore, spondet tua indoles, sub faustis nutrita penetralibus, & cujus vim insitam promovent sana consilia, rectique cultus pectora roborant. Neque sanguinem illum & genus tuum, quo cretus es, fallere jam potes, aut degenerere inertia polluere, cum alta mente hoc tibi sedere, debeat, *Nassovii sanguinis neminem ignavia factum immortalem.*

Quam multa hîc, Princeps Illustrissime, adversa tibi concilianda inter se veniunt, quam diversa multa, suo quæque ordine collocanda, ut effectum intentioni agentis respondentem producant! Est, ubi plus valet peritia, quam Doctrina, ut in bello sæpe, & subitis rerum, ubi in
arena

arena capiendum Consilium: Est, ubi pietas prudentia melior est: Aliquando uno verbo, & silentio quoque plus quam Oratione proficitur, & altius imperata sæpe penetrant, ubi ὁ διαπότης μενοειλάει: sed & est, ubi præmeditata oratione opus est, ut cum seditio est coercenda, & dissentientium animi componendi: Iræ aliquando species assumenda, nunquam ira: nec plebei artificii est, id agere, ne Vultus verba destruat, aut vultum verba. Hic tibi aperta est Prudentiæ schola, & latissimus ejus exercendæ campus, quæ etsi in multis non nisi seris ab annis veniat, felicitus tamen ingeniis per se connata est, & lectione Historiarum, & sanis consiliis compendio acquiritur. *Vetus dictum est*, & Hesiodo proditum; Primum esse illum virum, cui quod opus sit, ipsi in mentem veniat, & qui ipse consulat quod in rem sit: secundum eum, qui pretiosum à vili discernere norit, & alterius bene inventis obtemperet: qui nec ipse consulere nec bene monenti parere scit, eum extremi esse ingenii. At quoniam sive ætate, sive non recta Institutione, sive natura etiam, & aulæ quodam contagio & vitio, prima illa animi & ingenii fors multis negata est; nec possit Princeps (etsi primæ notæ sit) sua scientia cuncta unus complecti: necesse illi est, etiam alios in partem curarum assumere.

Hic verò Consiliariis fidis & Ministris strenuis opus est: illis qui lingua & mente imprimis juvent; his qui manu & opere. Ut enim recte ille; *Consilia senum, Hasta Juvenum sunt.* Præcipuus dilectus est in Consiliariis expertis, probis & fidis: quoniam consiliari, eorum quæ inter homines, divinissimum est, & à quo salus Regnorum & rerum pendet. Cum longo usu conpertum sit, omnia Regna, Civitates, Nationes eò usque prosperum Imperium habuisse, cum apud eos vera consilia valuerunt: ubicunque gratia, timor, voluptas, assentatio ea corrumpere, post paulò imminutæ opes, deinde ademptum Imperium, postremò servitus imposita est. Itaque eligantur non Juvenes, quorum mollis & fluxa ætas voluptatibus patet, & dolis haud difficulter capitur, & ad pauca animo respicit, nec sibi sapiens nec aliis consulere apta: sed senes, ætate graves, animorumque Provinciæ gnari, fortuna varia exerciti, & utramque Naturæ partem experti, Patriæ amantes, Dei timentes, liberi animi homines, Principem nihil ejus, quod scire illum refert, celantes, neque crudum verum, atque ideò sæpe auribus ingratum, dissimulantes, prudenter tamen, & licet non mutent, tamen multis se aptare norunt, non quidem semper euntes uno gradu, sed una via. Hoc est Juvenis Principis honestis-

nestissimum satellitium, quo stipatus, tutior erit ab insidiis & erroribus, quam si decem Helvetiorum phalangibus latus obtegat. Hoc intelligens Dux ille Græciæ apud Homerum, nunquam optat, ut Ajacis, Juvenis militis, similes habeat decem, quam ut Nestoris, senis, ex cujus lingua melle dulcior fluebat Oratio. Dignum est quod de Carolo V. memoratur, hic narrari: cum illum viginti annorum Adolescentem & Imperatorem, populus Wormatiæ, ubi prima sua Comitia celebrabat, imberbem & Juvenem plane conspiceret, & jam cavillandi inde occasionem arriperet; hoc solo repressum fuisse, quod in Comitatu ejus videret tam multos consiliarios, viros senes, Canitie & barba venerabiles, quos maturis & senilibus suis consiliis Juventutis ejus austeritatem probe temperaturos sibi persuadebat.

Et reverà nullum majus boni Imperii instrumentum est, quam boni & fideles amici: Neque tam exercitus & thesauri, præsidia Regni sunt, quam amici. Quibus si aditus datur, si aures patent, si fiducia loquendi, quod è re tua optimum putant, non negatur: protinus diffluet illa levium hominum turba, ignavâ operâ, philosophâ sententiâ, quique ad gratiam omnia loquentes, sicut muscæ pretiosum unguentum, ita illi omnia adulationibus vitiant & corrumpunt: *Aularum pestes*

& carcinomata, bonorum hostes, & quibus unum opus est, sententiis aliorum contradicere, omnis Consilii, quamvis egregii, quod non ipsi afferunt, inimici. Quos si procul à Te facessere jubeas, & linguas ludentes clam proximum, & elatos oculis, & tumentes animo, homines dolosos, & loquentes mendacia, Dei & verbi contemtores, & sacra jocis & dicteriis & profanis parodiis aptantes, & sic sal suum insipidum reddentes: si illos inquam mature removeas, contemtum habeas, vultu disturbes, brevi Aulam habebis, qualis nullibi terrarum alia similis hodie visitur; nimirum conformatam ad Ideam Aulæ illius quam sibi animo præstituit, & opere, quantum potuit, & praxi ipsa efformavit Regum fortissimus & pientissimus David, vir ille secundum cor Dei; uti illam nobis Psal. 101. compendio effigiavit. Hæc est illa Aula, cujus Ideam animo tam altè impressit filius Salomo, tam feliciter opere imitatus est, & ad vivum expressit, atque visam ita admirata est Regina Schebæ, ut cum excitata fama ejus, ad illum venisset, & vidisset cibum mensæ ejus, & confessum servorum ejus, & stationes ministrorum, qui ei erant à poculis, & ascensum ejus, quo ascendebat in Domum Jehovæ: non esset amplius in ea spiritus. Adeò ut sapientiam ejus & bonitatem famâ majorem comperta, beatos homines & servos ejus predicarit, qui stan-
tes

tes coram eo, jugiter audirent sapientiam ejus. 1. Reg. 10.

Neque difficile tibi erit, Princeps Religiosissime, adhuc laudis fastigium conniti, si piorum Regum & Ducum virtutes, Religionem, Justitiam, Fidem, modestiam & probitatem imitandas Tibi, & per exempla eorum eundem Tibi proposueris, ut ipse quoque aliis exemplo esse possis. Quia enim qui magno Imperio præditi, in excelso atatem agunt, latere alios non possunt; ut non eorum facta cuncti mortales norint, ideò jure cavere debent, qualem famam habeant: eò magis, quod, ut catè *Tacitus*, invisum semel Principem, semper seu bene seu male facta premunt. Quod ne eveniat Tibi, virtutem non simulate, sed ex animo colas: & ad exitium humani generis natas voces execreris: *Sanctitas, pietas, fides privata bona sunt; quæ juvat, Reges eant.* Cum, ut rectè Cicero, nulla res tanti, aut commodum ullum tam expetendum, ut viri boni & splendorem, & nomen amittas. Quid enim est, quod afferre, tantum utilitas ista, quæ dicitur, quantum auferre si boni, viri nomen eripuerit, fidem, justitiamque detraxerit? Quid enim interest, utrum ex homine quis se convertat in bestiam, an in hominis figura immanitatem gerat beluæ? Capitalis certe Eteocles, vel potius Euripides, qui id unum solum, quod omnium tanquam sce-

ratif-

ratissimum fugiendum, id excipiat, & Regi commendet.

Nam si violandum est jus, regnandi causa

Violandum est: aliis rebus pietatem colas.

Quæ cogitatio, ne unquam Tibi obrepat, & mentem turbet, id Tibi pro vero constet, omnium mortalium vitam divino numine invisi, neque bonum neque malum facinus cujusquam pro nihilo haberi, sed ex natura diversa præmia bonos malosque sequi. Quapropter & esse illum optimum, eumque castissimum & sanctissimum Dei cultum, ut eum semper pura, integra & incorrupta mente & voce venereris. Neque infra Principis dignitatem putes, faciem Dei in verbo ejus querere, illud legere, & meditari in eo dies & noctes, ad illius normam omnes vitæ actiones componere, & consilia conformare. Ex illo enim verus pietatis typus assumitur, quæ basis est, & fulcrum omnis Regiminis & Reip. veram docens regendi artem. Sine ea non Princeps officium, non subditi facient: Sine ea societas non erit; quia non fides, justitia, non virtus, sed fraus licentia, potervitas, & confusio hominum & rerum. Itaque & libenter & crebro (ut facis) in cætibz piorum videaris, ut & verbo divino animum pascas, & sacris sigillis fidem obsignes, & ex publicis pro Te precibus

cibus admonearis, qualis esse debeas, & qualem te populus esse desiderat.

Neve unquam, Princeps desideratissime, politico hoc sophismate perstringi tibi oculos patiaris, quod florentinus ille Magister Tyranno suo inculcat, quo Religioni Christianæ iniquum reddat; illam, dum humilitatem commendat, & omnem propriam vindictam prohibet, & mores ad modestiam format, tantum enervandis & emasculandis animis esse utilem, neque Principi ad magna incepta proficuum. Quasi nisi quis Militem exuat, Christianus esse nequeat, aut nisi Christianum, miles. Cum contrâ verum sit, nihil magis supra se elevare hominem, & majores illi spiritus addere, quam fidem in Deum, & fiduciam in divina Providentia & gratia, per quam robur & vires colligit, quales humana natura sibi relicta, nequisset attingere. Audi Davidem fortiter pium, & pie fortem, id de se ipso attestantem Ps. 18. *Deus fortis accingit me robore, docens manus meas prælium, aded ut frangatur arcus chalybeus brachiis meis: persequor inimicos meos, neque revertor, donec consumsero eos: & causam hujus suæ fortitudinis explicans Ps. 27. Jehova, inquit, lux mea, & salus mea, à quo timerem? Jehova robur vitæ meæ, à quo expavescerem? Si metarentur malefici belligerantes contra me castra, non timeret animus*

meus : si insurgeret contra me bellum , etiam hac re Ego securus essem : Ideoque dicit se non timere à myriadibus populi : adedò quidem , ut si ambulandum illi esset per vallem mortis , non timeret malum , quia Deus secum esset. Ps. 23. Et nonne prisci illi Heroës , Judices , Reges , per fidem debellarunt Regna , exercuerunt judicia , occluserunt ora Leonum , extinxerunt vim ignis , effugerunt acies gladii , validi facti sunt ex imbecillis , effecti sunt robusti in bello , exercitus exterorum in fugam verterunt ? Tantum abest , ut Religio animos effœminet , ut sola sit , quæ doceat bellare bella Domini , quia omnes actiones justitiâ circumscribit , animos ad ardua durat , & sola veras non timendæ Mortis causas in se habet. Quò qui pervenit , ut Mortem non reformidet , & hoc chalybe pectus munivit , facile illi erit , omnes minores metus , qui ab hoc magno metu pendent , & in illo desinunt , temnere & conculcare. Non illum paupertas , non carcer , non exilium , non calumnia , non sinistri rumores , non prospera , non adversa , à statu compositæ mentis dimovere valent. Nihil enim habet , quod timere debeat , qui præter Deum nihil timet : Talis Deo & sorte sua contentus , quod est , esse vult , nihilque mavult : præsentibus fruitur , futuris , quæ an profutura an nocitura sint ignorat , non inhiat , & totum se transcribit Deo , certus cariorum esse hominem Deo , quam

quam est ipse sibi. Et quia res est præcipui cujusdam momenti in vita humana, personam quam in hac mundi scena unumquemque gerere voluit Deus, decenter & ex præscripto sustinere & agere: & vero primæ regundæ Reipl. partes Tibi, Magnanime Princeps, creditæ sunt, id tibi negotii datum puta, ut Rempl. nostram calamitatibus liberes, res ejus secundas tuearis, & si fieri pote, è parva magnam facias, & in eum statum evehas ut & supra contemptum sit, & extra invidiam, nec injuriam facere alteri velit, & illatam repellere possit. Quod effectum dare, facile tibi erit, si modo id cures, ut & populus delectetur tuo Imperio, & vicinis Regibus & Principibus non sis contemptibilis; sed illi te ament & colant, hi te amicum quam offensum malint. Illud obtinebis, si te sui amantem, & officiis suis delectari populus intelligat, & faciles aditus, & mollia fandi tempora habeas, & nemo tristis à te recedat, nisi malus, aut meritis. Cum hisce verò rem habens illius *Arati* dicti, quod *Polybius* historiæ ille lex & norma, memorat, sis memor: *Reges nec amorem, nec odium habent, sed omnia metiuntur calculis propriæ utilitatis, quam suggerit ambitio.* Et si amare videntur aliquando, ita amant, ut mox osuri, ita oderunt, ut amaturi rursus, si ita rebus suis conducatur. Quare

non confidendum in Principibus, monet David, ipse Princeps. Quia omnis homo mendax. Nos verò tot casibus, tot Exemplis docti, melius esse se recipere ad Jehovam, quam fiduciam habere in ullo homine; ita vitam & mores componamus, ut ille amet esse & dici Judex noster, & legislator noster, & Rex noster, & nostra Respublica verè mereatur dici *θεοκρατία*, in qua summum Imperium habeat Deus: Et in qua, quibus Recturam populorum commisit Deus, jugiter id cogitent, se à Deo & cum illo regnare, & sub eo & per eum militare, ut populus eò obsequentior se illis præbeat, atque alios Dominos non desideret; atque illi, tanquam non suam, sed Dei rem administrantes, caveant ne quid in illa innovent, aut mutant, quod non Deum ipsum facturum fuisse, si ipse rebus interesset, sibi persuadere possint. Et quia Justitia & Religio duæ sunt præcipuæ Rerum publ. & Ecclesiarum columnæ & stabilimenta, quibus vel solis innixæ, perennitatem & beatum regimen sibi spondere possint: utraque amabiles fructus suos dabit: Illa quidem si justis legibus armata in Curtiis præsideat; Hæc si veritate & Pietate in Templis splendeat, atque ibi spectetur ut Aurora, pulchra ut luna, pura ut sol, terrificata ut vexillationes.

Quis enim non illius Reip. civis esse optet, ubi
æqua-

æquabile jus omnibus dicitur, nullo habito ad personas respectu aut affectu? & leges sunt justæ, perspicuæ, sibi consentientes, sine hamis & laqueis, non nimia subtilitate spinosæ, aut multitudine laboriosæ, ut etiam qui causa cadunt, juste & secundum leges se succubuisse intelligant; sciantque neminem nocere illis posse, si boni æmulatores fuerint, id est, si honeste vixerint, unicuique suum tribuerint, neminem læserint.

Illam verò summam tuam gloriam ducito, Princeps religiosissime, quod quia hodie inter Christianos Principes, unus, ne dicam, solus Reformatæ Religionis, cui Deus his ultimis temporibus veritatem velut deposito dedit, audis Defensor & magnum Columen: ita illam complectaris, & enutrias, & in ulnis geras, ut Nutrix fovet fœtus suos. Quia verò Religio Christiana genium gentis, quæ illam amplexa est, etsi non mutat prorsus, attamen emendat & corrigit; & est velut ramus ab alia arbore adoptatus, qui quidem propriam naturam, saporem & fructum retinet, sed tamen trunci cui insertus est, succum & humorem & robur fugit, & corrigit atque in naturam vertit: Id maxime providendum, ne pietas politiæ, aut politia pietati præjudicium aliquod creet; Quod cum multis modis fieri possit, tum hœc quoque, dum ita docentur homines pietatem, quasi pii esse

non possint, nisi ex mundo exeant, & morosa quadam sanctitatis affectatione & austeritate se à communi sorte hominum segregent. Utrumque enim extremum cavendum, & ne libertas nostra in licentiam abeat, aut nimius quidam rigor confessorum numerum minuat, & cum Ecclesia sentientes, & membra ejus esse cupientes, in tempestive arceat, & ab ejus communione aversos reddat. Illud enim profanos, hoc hypocritas facit.

Et quia nunquam tam beata fuere, aut credibile est futura tempora, ut non hæresium & scandalorum aliqua seges enata sit: aut non etiam inter Orthodoxos, super difficultum præcipue S. scripturæ textuum interpretatione, aut dogmatum enodatione, aut objectionum solutione diversitas quædam sententiarum orta sit: (uti antiquitas multa talia certamina inter orthodoxos orta commemorat.) cautè hic incedendum, ne aut hæresis dicatur, quæ hæresis non est, aut veritas aliqua nigro theta notetur, ideo solum quia forte non animadversa ante, aut alicui nova videatur; aut omnia quæ in controversiam vocantur, ordinis ejusdem & ponderis habeantur.

Heic illud locum habet, quod prudenter olim *Augustus* monuit *Mecenas*. nim: inimicitias omnes, & ambitiosa certamina posius esse excindenda

denda, adeòque nec nova nomina, exorientis sectæ insignia & pabulum, & schismatis auctora-
menta permittenda. Ita quidem, ut ne cui im-
pune sit, in tam pulchro corpore schisma face-
re, aut sectæ novum nomen inducere, aut sine
ultima necessitate partes facere, aut sequi. Ab
Ecclesiæ enim pace, Reip. tranquillitas magnam
partem pendet. Quæ tum maxime laborat, cum
prævalent consilia calida & audacia, nec desunt
homines, zelum quidem Dei habentes, sed non
secundum scientiam, audenter se negotiis im-
miscētes, & valida quidem initiis formandæ
rei instrumenta, & ducendæ in quam partem
volunt plebi, sciti Magistri; at non ita rebus pru-
denter gubernandis, & ad quietum finem per-
ducendis & perficiendis apti & idonei. Cum
tamen, iudice Regum sapientissimo, *Finis rei sit
melior principio ejus*. Itaque ferè videas, consilia
istâ, ita prima specie læta, tractatu esse dura,
eventu tristia. Quare etiam caute & timide,
neque diu nimis, nec semper, & in omnibus,
istis utendum: ne si potestas illis & libertas no-
cendi cuiquam, aut calumniis gravandi permit-
tatur; opprimantur innocui & boni, & inutiles
reddantur labores eorum Ecclesiæ. Secus si ac-
cidat, & tempestas hæc detonet in innoxia ca-
pita, sequendum illis prudentissimum S. Augu-
stini:

stini consilium, graviter nos, quasi in tempora nostra intuentis, aureis hisce & cedro dignis, verbis monentis: Sæpe finit divina Providentia, per nonnullas nimium turbulentas carnalium hominum seditiones expelli de congregatione Christiana, etiam bonos viros. Quam contumeliam vel injuriam suam cum patientissimè pro Ecclesiæ pace tulerint, docebunt homines, quam vero affectu, & quanta sinceritate charitatis Deo serviendum sit. Talium ergo virorum propositum est, aut sedatis remeare turbinibus: aut si id non sinantur, vel eadem tempestate perseverante, vel ne suo reditu talis aut sævior oriatur, tenent voluntatem consulendi etiam eis ipsis, quorum motibus perturbationibusque cesserunt, sine ulla conventiculorum segregatione, usque ad mortem defendentes, & testimonio juvantes eam fidem, quam in Ecclesia Catholica prædicari sciunt. Hos coronat in occulto Pater, in occulto videns. Rarum hoc videtur genus, sed tamen exempla non desunt: imo plura sunt, quam credi potest.

Sed avertat Deus, ut tam tristis tempestas unquam obnubilet nostrum cælum, & felicitatem tui temporis corrumpat hoc fratrum, sed minimè fraternum bellum! Inimicis potius ista obveniant

veniant mala, & quibus Ecclesiæ dolor, est lætitia, & tum pinguescunt, cum illa macie tabescit. Quin id agimus potius, ut quæ intus nos urgent & depascunt mala, tempestivis remediis, & sanis consiliis protrudantur foras, ne tam valido corpori morbum aut languorem inducant. Quotquot ergo inter nos perfecti sumus, hoc sentiamus. Quod si qui aliter sentiant, non propterea illos statim à corpore abscindamus, aut fratrum albo expungamus. Quæ enim est humani judicii imbecillitas, fieri potest, ut illius, quem tu erroris arguis, sanior sit sensus, quam tuus, & tum potius audiendus & honorandus veniat, quam damnandus aut alienandus: aut si erroris manifesti compertus, qui tamen à salute non excludat, ne dubita, quin etiam Deus hoc illi, in quo aliter sentit, revelaturus sit. Interea qui Fratres dicimur, & sumus, & (ut nolint quidam) semper esse velle debemus: observemus alii alios ad provocationem charitatis & bonorum operum, cum omni modestia, & mansuetudine, & longanimitate tolerantes alii alios in charitate, studentes servare unitatem spiritus per vinculum pacis. Quod si dominatum appetentes & magis quæ nostra sunt quærentes, quam quæ sunt Christi, pacem horremus, tanquam proposito nostro adversam & inutilem: vereamur ne quam regno
I
urbi

urbi & domui, divisus contra se, desolationem & ruinam interminatus est Christus, nostro nobis jumento accersamus: & contingat nobis illud, quod seruo illi malo, qui dicebat in corde suo; tardat dominus meus adventum, atque inde occasionem capiebat verberandi conservos suos: venit enim dominus illius die quo non expectabat, & hora qua non noverat, & statuit partem ejus cum hypocritis &c.

Non credo me contra officium aut ætatis decorum peccaturum, si tribus verbis conditione hominum & temporis nostri exponam & desileam. Illud est, quod longo usu mihi compertum est, non esse ex minimis seculi nostri malis: quod Christiana Religio, quæ olim confessorum recta fide, & fiducia bonitatis Dei innixa, ædificabatur in mutua charitate, & quotidie augescebat augmento Dei: hodie à multis creditur, factionibus, humanis consiliis, calumniis, & schismate fulciri & propagari debere. Quibus quò magis indulgemus, ut jam multis mos est, eo magis divinæ Providentiæ surripimus, quod illi in nos competit regimen, dum non illi, sed nobis ipsis nos gubernandos permittimus. Quò fit, ut Deus exasperatus peccatis nostris, nos tradat desideriis nostris, ut tanquam cæci ruamus in reprobum sensum, & quæ non decet faciamus. Ut verendum sit,

ne

ne neglectum hoc malum ab iis , qui proprio nimis addicti sensui , dictaturam sibi de omnibus pronunciandi & sententiam ferendi sumunt, non etiam tandem illud quod nobis restat boni, velut cancer depascat & consumat. Ita quidem, ut forte non longè distet tempus, ni Deus melius quid de nobis providerit, quo Regnum Dei frustrà hic & illic quæretur, quod intra paucos erit, qui Deum in spiritu & veritate adorant, quique quantum fieri potest, & quantum in ipsis est, cum omnibus hominibus pacem colere parati sunt.

Sed ne longiore alloquio tempora tua morer Princeps occupatissime, jam desino: memor quam breves sermones, non solum apud Deum sæpe, apud Principes semper grati & decori sint. Qui si prolixiores fuisse fortean aliquibus videbuntur, non id nobis imputet, sed illi de quo dicimus, cujus non solum Annales, sed & diaria scribere, integre est historiæ opus. Quod ergo est mearum partium, mihi à nostro ordine demandatarum, Gratias ago Academiæ hujus nomine, cui festum hunc diem, ob præstitum præsentiae tuæ desiderium, esse voluisti: & quam non diligere, sed & amare quoque Te, justum & æquum est, & nos de illo dubitare non sinit nobilis ille Decessorum sanguis, ab illis in Te transfusus, & quem in Te

hebere non pateris. Etenim Proavus tuus Gulielmus, primus ejus fundator & legislator, hanc urbē, in præmium invictæ virtutis, quæ cives in defendenda Patria, Religione & Libertate, & toleranda obsidione, fame, peste, omnibus belli malis defuncti, hospitium Academiæ, & ob situm, amœnitatem, & annonæ abundantiam, & Civium humanitatem, Musis gratissimum domicilium esse voluit. Cujus vestigiis insistentes duo filii Mauritius, & Henricus avus tuus, primò Matris nostræ Academiæ Cives & membra Juvenes fuisse (quod testantur nomina eorum manibus propriis matriculæ nostræ inscripta) deinde Patroni quoque ejus cluere, honori sibi duxerunt; sed nos præcipue nobis. Quemadmodum neque novum neque insolens Tibi, augustum vultum tuum, cum studiorum causa in hac urbe degeres, aliquoties in solennibus ejus pompis nobis spectandum ex hoc loco præbuisse. In eo quoque imitatus magnos Principes, qui non dedecere majestatem suam arbitrati sunt, Professorum ædes circumire, inire, & circa scholas & auditoria Professorum assiduos esse, & inopinatos recitantibus intervenire. Quin & Serenissimis Belgarum Principibus, Alberto & Isabellæ in laude datum, quod Lovanicum essent, Justum Lipsium, hujus quoque olim Academiæ Professore & Rectorem; ex tempore

redicentem audire, & pars esse Auditorii gratiosè voluerunt. Neque infra dignitatem suam esse putavit serenissimus magnæ Etruriæ Princeps, quando cum Comitatu suo ex hoc loco conspici nuper voluit, atque Medicæ domus, & suas laudes, dicente D. Gronovio, aureo illo ore, qui nunc est cum beatis, audire & cognoscere.

Quod Te quoque nunc facere voluisse, in non minima felicitatis nostræ parte ponimus, eoque nomine nobis & Academiæ gratulamur, & Celsitudini Tuæ gratias, quas possumus, agimus, quia referre aut rependere quas volumus, non possumus. Perge ita Princeps optime, decus & præsidium nostrum, bene de genere humano mereri; neque sat tibi sit, Civium & Militum amorem & obsequium demeruisse, ut non & eruditorum chorum tibi ut animis addictum, ita & ore & linguis faventem habere, inter titulos tuos non ultimus numeretur. Velis ergo hanc Academiam, Proavi tui primum fœtum, & ut Gallia Regibus Parisiensem suam appellare mos est, filiam primogenitam; atque in ea docentes, & Religionis, & universi juris, & Medicæ artis, & scientiarum, artium & linguarum Magistros & splendentia luminaria, favore & amore tuo complecti: & ne quid Matri, aut alumni ejus vel ad necessitatem, vel ad ornatum & splendo-

rem desit, providere, inter præcipua & rara decora tua reputa.

Neque vero adeo sumus informes, ut non pari passu cum civibus reliquis, & mercenariis Militibus nobis incedere apud Te liceat: nec minora quæ à nobis redundant commoda. Utenim illi objectu corporum suorum, vitam tibi securam, victorias faciles & certas spondent: ita hi calamis suis tuam posteris famam loquentur, & quæ toga & sago feliciter geres, victuris monumentis ab oblivione vindicabunt. Spirantes statuas, & vivos de marmore vultus, trophæa, sepulchra, insignia hostibus erepta, & aularum lacunaribus suspensa, aut mutatus dominus tollet, aut ignis absumet, aut edax vetustas abolebit: sola ingenii monumenta perennant, & regali Pyramidum situ altiora, suprâ invidiam & pallorem posita sunt, & ad omnium seculorum conscientiam pertinent.

Tantum Mæcnas esse velis, & spondere ausim, non defuturos ex nostro numero, non solum Marones & Livios; sed neque præclaros Militiæ duces, & fortes Milites. Cujus rei egregium documentum se nuper oculis nostris obtulit, illa Academicorum Quiritum Cohors, quæ trepidis Patriæ rebus, ne illi suam operam deesse paterentur, spontaneæ militiæ sub eximio Capite

pite Professore suo, ne Pallada nostram Marti in sociabilem putes, nomen dare voluere. Sub quo brevi tempore ita profecere, & omnes incedendi, festinandi, standi & quiescendi modos tam avide arripuere, omnes flexus & motus corporis rursus prorsum, antrorsum, retrorsum, sinistrorsum, dextrorsum docti sunt, & ad nutum oculi & manus sui ducis gestus aptare; bombardam rite & ad artis regulas humeris imponere, manibus versare, explodere; hastam scienter vibrare didicerunt, & omnia strenui militis officia & munia adimplere, quasi vel à natura ad hoc facti, vel ætatem in istis exercitiis trivissent. Neve tantum simulatum hoc bellum putes, aut ludicra Martis exercitia; nullus eorum est, qui non flagitantibus sic Patriæ rebus; paratus sit, verum bellum suscipere, & ficta hæc prælia in seria convertere, & omne Principis periculum subire suo, atque vitam etiam pro laude pacisci.

Quod superest, Deum ex animo veneror, Princeps à Deo date, in cuius salute omnium nostrum vertitur, ut diuturnum & felix Tibi & nobis velit hoc ceptum esse imperium: utque devictis & triumphatis hostibus, longæ Pacis succedant munera; atque Gratia & Veritas occurrant sibi invicem, justitia & Pax se osculentur, & post hanc ignominiam, habitet gloria interra nostra.

Ita

Ita, *Serus in Cœlos abeas, dinque*
Latus intersis populo Batavo:
Neu sinas Anglos Mare clausum habere,
Neu sinas Gallos equitare inaltos,

Tē Duce, PRINCEPS.

DIXI.



Pag. 6. l. 9. πολυπεφυμενία p. 7. l. 1. apophthegmata. p. 16. lin. 27. certum & Belgio. l. è Belgio. p. 29. l. 21. ambitio p. 37. lin. 8. quales. l. 10. jacturam facere. l. 16. & stantes. p. 38. l. 1. dele. opportunè. p. 39. l. 17. exanimati. p. 40. l. 9. manum posse. p. 45. l. 26. obtemperare. p. 51. l. 7. dissentientium.



